

兩
浙
輶
軒
錄

兩浙輶軒錄卷六目

朱彝尊 朱彝鑒 朱彝爵 李繩遠 李良年

李符 周 質 羅 坤 毛奇齡 徐咸清

徐之凱 董道權 毛遠公 沈名蓀 吳任臣

孫士寅 沈謙 沈蘭先 李式玉 沈用濟

沈遯洄 章日躋 茅兆儒 戴梓 吳學濂

孫洽 徐 鄴 盧 璉 宋鼎銓 郎 濬

柯元幹

南軒軒錄卷六

督學使者阮元訂

朱彝尊

字錫鬯號竹垞秀水人康熙己未以布衣舉博學鴻詞授檢討充日講起居注官著曝書亭集

池北偶談昔見朱竹垞檢討詩云捉臥喪人選新格初

不解及觀通志有趙目言捉臥喪人格及採珠局格旋

某格金龍戲水格

等名始悟所謂

西河詩話予請十句假同官錢子于沙河門外皆有詩

獨朱竹垞賦長律二十四韻中有云曉雨千門散新泉

五閨間花光晴淡施峯翠遠氣氤氳此即事也至語多兼往

水紋語多兼往事鵲罷判斜暈此即事也至語多兼往

事起一句遂有云午鵲柯亭竹秋眠蕙帳蛟則叙子鄉

遊時事失路栖淮浦逃名憶汝墳則叙子出走時事易

穿東郭履難免北山文則叙子應

名時事香奩詞長恨錦瑟相紛紛則叙子亡妾時事為折章

哀柳翻辭秘省芸則叙子歸來時事此皆貽贈之最親

切者自非竹垞焉能知我若是乎管品竹垞長律凌駕

元白即

此可驗

鄧漢儀曰錫鬯詩氣格本于少陵

而兼以太白之風韻故獨為秀出

兩浙詩錄

卷六

朱彝尊

國

夏重云先生稱詩以少陵爲宗上追漢魏而泛濫于昌黎樊川句酌長篇短什無體不備且無波靡落宋人淺易蹊徑故其長篇短什無體不備且無波靡落宋人淺生詩如繁會難陳醢醢百幾中忽遇神仙之厨羶華悉又鈞天廣秦鸞鶴相和晚年七古益臻超詣寓典則於去從字順之中闔卷舒妥帖排專海萬人辟易文從字順此非鄉曲之言天下後世之公言也朝名流無敢相驂者王阮亭尚書以風雅號台海宇一時爲言而江南人士亦有漁洋海岱間每以山疆田氏並舉於鄉曲之談門下士亦私之論附影隨聲不可爲典要惟先生體大思精牢籠萬有而登汰鍛鍊不肯人云亦云迄今交遊零落填荒涼而新城長水屹然爲南北二大宗比于唐之李杜宋之蘇黃更千百年而勿之有改也嗚呼盛矣梅里詩贊先生詩感人最深如歸自山陰云妻兒空待米風雨獨還家每一調誦淒然欲泣至若謁張曲江祠云芳塵羽扇冷春燕玉堂空固陵懷古云天寒竹箭參差見日暮鳥禽下上飛用事之妙何減少陵橋仙龍蛇之句乎歸田以後五七言古詩如萬斛泉源隨地湧出神奇變化莫可端倪李德鄉詩暮年詩筆歷漁洋殆謂是歟居節廉橋時值歲凶比鄰王氏有老僕訝其日午無炊煙而書聲琅琅不輟因叩門曉以豆粥先生以奉

安度先生而忍飢讀書自

若也里人至今樂道之或以為陶隱居或以為顧逋翁

拙堂筆談焦山瘞鶴銘唐詩人詩在貞觀中已列為隱居

亭林云余於童上得銘字體與舊館壇碑正同其為隱居

銘非顧况明矣考銘字體以為顧逋翁書本歐公之說竹居

無疑淮陰張力臣辨定以為顧逋翁書此集中有王郎

垞先生跋云通翁學道出於性所移居于此集中有王郎

中見贈琴鶴詩鶴始出於性所移居于此集中有王郎

者然先生為王副使題焦山別銘圖詩云審視要非唐

後勒昔年會與張弢論則亦未以通翁之說為是矣

竹垞先生年題周恭肅畫牛云記得濫溪西去路荻花楓

葉淺沙濤按濫溪周恭肅畫牛之族聚焉迎潮濫溪本音欄言溪嚴公

葉也平去二濫溪可讀陸魯望迎潮濫溪本音欄言溪嚴公

葉丹荆薛高今墟落寒鷗集望迎潮濫溪本音欄言溪嚴公

處幽室華燭光燭燭皆與寒風結葉今廣韻二十五寒內

欄字不收甚客自從前度黃河決董口填淤駱馬過夫柳

至今喧里巷安得歲尾長守越年挽粟上盤渦此竹

源泉棄尚多熙八年過駱馬湖作也前年河決桃源黃

宅先生於康熙八年過駱馬湖作也前年河決桃源黃

蓋其時阜河之用前此皆開也又康熙二十年始令官種

柳以備堤岸之河皆開也又康熙二十年始令官種

決口記云十五年尚書葵如錫勘問所司估帑五十七

朱彝尊

二

可斤

可斤

可斤

兩湖軒車在

名二

萬而夫柳仍派于民間今觀先生此詩真詩史矣後半

含蓄不盡神似少陵

國初集里中王翊周質繆泳沈進李繩遠良年符為詩課

時貧甚餘一布袍繩遠兄弟止一偏提每會則付質庫

兩家內闢各紡績出之後會復然遠近稱詩者咸過梅

里幣聘爭集其門所至以賓師之禮遇焉南踰五嶺北

去雲朔東泛滄海登之果凡叢祠荒塚金石斷缺之文

莫不搜剔承澤孫過寓見插架書謂人曰客長安者務攀

師訪孫承澤孫過寓見插架書謂人曰客長安者務攀

援馳逐耳車塵蓬勃間不廢著述惟秀水朱十一人而

已康熙已未舉鴻博授檢討充明史纂修官前後雖容

承明著作之庭者十餘年還歸長水紀事纂言老而為

倦也嘗謂孔門弟子申黨薛邦後人東野氏為之謂鄭康

廢斥謂曲卑令宜用周公後人東野氏為之謂鄭康

功存箋疏不當因程敏政一言遽罷從祀謂王守仁事

功人品炳烈千古不得片為異學皆有關名教之大者

年八十

一卒

朱文藻曰竹垞未入翰林時嘗編其行案為竹垞文類

王士禛序極稱之然是時僅規撫王孟未盡所長至其

中歲以還則學問愈博風骨愈壯長篇險韻出奇無窮

趙執信談龍錄論

國朝詩以尊及王士禛為大家謂王之才高而學足

以副之朱之學博而才足以運之及論其失則曰朱貪

多王愛好
亦公論也

雁門關

南登雁門道，騁望勾注巔。
山岡鬱參錯，石棧紛鉤連。
度嶺風漸微，入關寒未捐。
層冰如玉龍，萬丈來蜿蜒。
飛光一相射，我馬忽不前。
抗節懷古人，千載誠多賢。
鄧都守，長城烽火靜居延。
劉琨發廣莫，吟嘯扶風篇。
偉哉廣與牧，勇略天下傳。
時來英雄奮，事去陵谷遷。
數子不可期，勞歌爲誰宣。
嗷嗷中澤鴻，聆我慷慨言。

將之永嘉曹侍郎

滌

餞予江上吳客韋二丈爲彈長亭

之曲并吹笛送行歌以贈韋卽送其出塞

韋郎舊隸羽林籍，曾向營門教吹笛。
不聽吳中白雪音，定呼鄴下黃鬚客。
平原相見轉相親，置酒誇君坐上賓。
北海尊壘

朝未罄東山絲竹夜還陳閒來坐我花間奏玉洞飛泉響巖
漚古調多傳鬪馬詞新聲似出康王授問我東行到海壖日
斜江上慘離筵還將北雁南飛曲催送錢唐楚客船船人搗
鼓津頭泊紅葉千山富春郭忽作邊秋出塞聲江楓岸柳紛
紛落哀絃促管不堪聽賓御聞之亦涕零挂席還移巖子瀨
看山直上謝公亭聞君欲問雲中戍雪銷飲馬長城去廣武
營邊折柳時黃瓜阜上題書處司農舊是出羣才此日征西
幕府開試向尊前歌一曲梅花飛徧李陵臺

晚次崢嶸縣

百戰樓煩地三春尙朔風雪飛寒食後城閉夕陽中行役身
將老艱難歲不同流移嗟婦子生計各西東

土木堡

平蕪一簣狼山下九月驅車白霧昏到眼關河成故迹傷心
土木但空屯元戎苦戰翻迴蹕諸將論功首奪門早遣金綸
和社稷祠官誰奉裕陵園

舍弟

彝鑒

遠訪東甌喜而作詩

急難逢令弟訪我自江東頓喜羈愁豁兼聞道路通晴江空
翠裏春草亂山中知汝南來日西陵定遇風

送曹侍郎

洛

備兵大同

司農論議朝端重副相聲名輦下聞豈意尙煩西顧策翻教
暫領朔方軍河邊遠道人千里天外鄉書雁幾羣到日關城
春色早李陵臺畔柳紛紛

雲中至日

去歲山川縉雲嶺今年雨雪白登臺可憐日至長爲客何意

天涯數舉杯城晚角聲通雁塞關寒馬色上龍堆故園望斷
江村裏愁說梅花細細開

于忠肅公祠

昔在狼山下軍書犯近坳六師輕朔漠萬騎失雷霆土木塵
長滿龍蛇歲不寧豆田沙浩浩黍谷路冥冥濟世須元老長
材總四溟從容持國計指顧悉兵形瑕呂安羣議劉琨表外
廷嗣王仍主鬯高廟有神靈旣罷金縢欵無煩白馬刑北轅
旋翠輦南內啟朱扃命已甘刀鏹功真溢鼎銘春秋隆代祀
俎豆肅維馨一自輅車至難期喉火停遺墟愁戰伐大樹日
飄零碧草空祠長黃鸝過客聽霜鐘沈曉月風颺繞明星下
壘誰修墓巫陽數降庭識還思兩帝碑欲墮江亭遠水澄湖
白流雲暗壑青千年華表嶺哀怨此重經

越王臺懷古

君不見越山高高越臺古複道逶迤接南武北望山頭徧白
雲西臨城下環珠浦由來形勝盡高邱萬里天南北壯游驚
濤暗向扶胥落佳氣晴連鬱水浮憶昔中原逐秦鹿五軍失
利屠雕鬣番君一出王衡山戶將從征入函谷天教霸象開
南溟霄分東井聚五星龍川縣令起嶺表被書移檄馳邊庭
聳言三關盜兵至一時按法誅秦吏萬人旣築滇陽城千里
還開雒王地漢代當年爲剖符陸生燕喜出西都冠裳離結
須臾變文錦蒲桃絕世無番禺之交一都會因山築臺落天
外百丈迴盤信壯觀三時朔望長升拜自古縻稱外藩誰
令市鐵禁關門不見鯨魚重入貢旋看黃屋自言尊漢使陳
觴更行樂紫貝明犀雙孔雀重來錦石已成山歸去黃金遂

三才集卷之二
盈橐一從蒟醬啟唐蒙越騎校尉甘泉中是誰僇殺棄繻者
江淮巴蜀紛來攻伏波下瀨軍三面樓船戈船齊教戰合浦
珠崖隸海隅山藎扶荔移深殿尉陀城北夕陽原建德園荒
秋樹根虛傳避暑游宮闕幾見浮杯出石門木棉花開山雨
積鷓鴣啼處蠻煙碧舊井潛移郭璞城離宮半入虞翻宅人
事消沈信可哀千秋朔漠餘高臺漢家遺跡不可問吁嗟乎
歌風柏梁安在哉

朱碧山銀槎歌孫少宰席上賦

高堂宴客客未醉主人愛客期開顏羽觴玉爵詎足算勸我
鑒落重三級槎枒老樹幾千歲霜皮崩剝枝柯刪陰崖自遭
鬼斧劈積雨暗齧苔紋斑尋源之使出想像高踞兩膝頂禿
鬚觀其傲岸意獨得髣髴歸白明河灣流傳河畔逢織女所

恨尙少雙煙鬢。到中鄉。衡入其腹。未解刀削。何由彎傳之。四
座叫奇絕。有如白鳥飛。翹翹細看欵。識刻至正間。誰爲此朱
碧。山良工名盛。心益苦。顧茲母乃經營艱。主人博搜金石文。
向我更話天歷間。丹邱先生愛奇古。命製芝菌如初攀。當時
虞揭相獻酢。是物亦得流人寰。自從閩賊踰燕市。大掠金帛
仍西還。紛紛入肆盡。鍛冶否亦道半委榛菅。聞之不覺三歎
息。可憐雙解。今成鰥。吾鄉藝事多絕倫。奇巧不數古輪班。張
銅黃錫近乃出。未若此老技最嫻。殊方促坐但酩酊。莫遣酒
醒懷鄉關。許康曰。秋錦山房集是題詩。有至元月日。銷髣是
器同時賦詩。而所紀年號不同。如此閱池北偶談。乃知至元之誤。

贈鄧篋

金陵鄧篋隱作醫。八分入妙堪。吾師揭來賣藥長安市。諸公

袞袞多莫知伊余聞名二十載今始邂逅嗟何遲自從鴻都
石經後工者疎密無定姿任城學宮闕里廟羅列不少漢人
碑簠也幽尋徧摹搨羲娥星宿撫無遺邵陽酸棗法尤備心
之所慕手輒追黃初以來尙行艸此道不絕真如絲開元君
臣雖具體邊幅漸整趨肥癡寥寥知解八百禩盡失古法成
今斯邇來孟津數王鐸流傳恨少無人披太原傳山最奇崛
魚頑鷹峙勢不羈臨清周之恒委曲也得宜句吳顧谷粵譚
漢暨歙程遂名相持未若簠也下筆兼經奇絲如煙雲飛欲
去屹如柱礎立不移或如鳥驚墮羽翮或如龍怒撐之而箕
張歸華各異狀屏幃大小從所施平山堂成蜀岡湧百里照
耀連雲櫬工師斷扁一丈六衆資歎息相矐貽須臾望見簠
來至井水一斗研隄麋山來能事在獨得筆縱字大隨手爲

觀者但妒不敢訾五加皮酒浮千鷗我聞此事足快意目雖
未覩心已怡安得畱之數晨夕醉時竊拊醒肩隨盧溝橋北
風已厲子今南去生凌斯驪駒在路畱未得歲聿其莫云誰
思鍾山草堂定好在放漚且任吳中兒華陽癡鶴字刻露鄧
尉遺樹花參差無錫城邊見嚴四示我長歌一和之

柳巷杏花歌同嚴中允

編孫

錢編修

中諧

作

頻年住

帝里一山一水何曾經有若蝸負殼又若鳥剪翎疾風揚沙
卷花去眼看春事如流星邇來罷官久肆意尋郊垌朝從潞
河還犯卯酒未醒

晨過宋使君
榮畱飲漫堂

雙橋東偏柳巷北小寒食後

微雨零偕行者二子各各駐輿丁杏梢含苞猶未白柳條踈
地今漸青晴絲冉冉香細細卑枝裊裊高婷婷村童灌畦愛
兩斤會平泉

看客輓轡并架雙銅餅種花此地已難得那不更縛香茅亭
江鄉爾時春愈好西神山下泉泠泠闔門游人連臂出筠車
十里填支硯只如南湖亦不惡桑鳩穀犬聲可聽紫荷花艸
雜坐臥燕來竹筍生鈴塢人生還家貧亦足何苦晨夕勞其
形吾儕田廬況不遠峭帆柔櫓凌迴汀都籃兼攜茶酒具悶
拓小眼紅窗櫺吳歛越吟相繼和五日十日恣畱停念此令
人反惆悵夕陽四顧塵冥冥

紫藤花下醉歌同查上舍弟 嗣稟賦

客舍紫藤長數尋歟蔓年多半枯槁往歲丰茸莖太密花事
去春翻草草今年二月呼園丁三百銅錢費除掃雖然焚後
花較遲漸見含苞同蕨腦檐牙朽株換棚格井牀新汲傳栲
栳景殿低垂香細細游絲不動日杲杲鉤簾忽驚啁雀去仰

面生憎土繭抱越州老酒吳船來小檻偏提恣傾倒頭銜久
已脫朝簪那問鼙鼓昏早惜哉筋力日已疲惟有花前不
知老停杯還憶故鄉路亂水穿沙入裴島千年古木藤纏身
飄落緜英滿衫襖明年期爾橫漲橋上舍所居柔櫓嘔啞撥萍藻
綠陰共聽黃栗留醉臥櫂頭船更好

光孝寺觀貫休畫羅漢

貫休手畫一十六羅漢其二乃在南海訶子林昔游真蹟未
得見念之三十五載縈人心白頭重作嶺南客故人期我歲
翻宅僧廊亂後花木猶瓏璵薤菜春生滿池碧循廊轉入精
廬深一幅居然挂東壁古綃尙白石轉青恰於石罅安疎櫺
一僧俛首力寫經自準以下祇半形芬陀利花貝多葉櫻欄
筆管毛猩猩不知金天之西何處得石硯毋乃昆吾玉切新

出砌一僧却立待巾餅靜如沙鷺翹涼汀窗燈不翦信明滅
杪櫺樹底風泠泠窗前千歲老猿拱雙臂平攬兩肩聳筍屨
桐帽木葉衣想見霜濃寒到踵精誠能令感金石何況羣生
知怖恐禪月師流傳三絕畫書詩詩編巨岳集書有姜體遠
本周之史籀秦相斯未若畫品更崛奇卽如此幅遠出意匠
表或疑入定真容髣髴親見之不然調鉛殺粉能爾爲訶林
僧神物藉汝能世守不見宣和舊譜遺蹟久云亡豫章西山
雲堂院中亦何有我欲賺汝去莫飲我缸面酒我欲奪汝歸
玉爲叉不在手世間豈少珊瑚鐵網珍珠船自今貯之伏梁
閣檻庶可全

玉帶生歌

非序

玉帶生文信國所遺硯也予見之吳下旣摹其銘而

裴池之且爲之歌

玉帶生吾語汝汝產自端州汝來自橫浦幸免事降表僉名
謝道清亦不識大都承旨趙孟頫能令信公喜辟汝置幕府
當年文墨賓代汝一一數參軍誰謝泉羽寮佐誰鄧中甫弟
子誰王炎午獨汝形軀短小風貌樸古步不能趨口不能語
旣無鶚之鵠之活眼睛兼少犀紋彪紋好眉嫵賴有忠信存
波濤孰敢侮是時丞相氣尙豪可憐一舟之外無尺土其汝
艸機飛書意良苦四十四字銘厥背愛汝心堅剛不吐自從
轉戰屢喪師天之所壞不可支驚心柴市日慷慨且誦臨終
詩疾風遶揚沙時傳有十義士表以石增戴公尸生也亡
命何所之或云西臺上晞髮一叟涕漣漣手擊竹如意生時
亦相隨冬青成陰陵骨朽百年蹤跡人莫知會稽張思廉逢

生賦長句抱遺老人閣筆看七客寮中敢呖怒吾今遇汝滄
浪亭滌匣初開紫衣露海桑陵谷又經三百秋以手摩挲尙
如故洗汝池上之寒泉漂汝林端之霏霧俾汝長畱天地間
墨花恣灑驚毛素

南鎮

稽山形勝鬱峩南鎮封壇世代遙絕壁暗愁風雨至陰崖
深護鬼神朝雲雷古洞藏金簡燈火春祠奏玉簫千載六陵
餘劍鳥鵲啼魂斷不堪招

度大庾嶺

雄關直上嶺雲孤驛路梅花歲月徂丞相祠堂虛寂寞越王
城闕總荒蕪自來北至無鴻雁從此南飛有鷓鴣鄉國不堪
重佇望亂山落日滿長途

題南昌鎬柱觀

丹雘縹緲麗層城
鐵柱縱橫鍊紫清
陰洞蛟龍晴有氣
虛堂神鬼畫無聲
游人白愛登高賦
仙吏仍兼濟物情
雷雨忽愁天外至
江湖原在地中行

吳山望浙江

一峯高山萬松寒
磴道虛疑十八盤
近海魚龍吹宿霧
中天日月轉浮瀾
風帆岸壓明珠舶
仙樹花濃白石壇
舊是錦衣行樂地
江山真作絹圖看

題竹垞壁

買斷竹垞將四載
園林新筍未經嘗
今來散帙時初夏
忽見抽梢喜欲狂
背市有人酤濁酒
南鄰許我借匡牀
江村穩臥真堪樂
愁說燕雲射獵場

喜周貧至

蒼舊西吳大雅材白頭纔一到金臺最愁馬上乘船似不道
天邊犯雪來酒盞四年方得其燭花昨夜記曾開郊扉晚計
何時遂十里及山日往迴

祁六坐上逢沈五

沈五配祁夫
人湘君善詩

東陽年少沈休文五載相思兩地分今日謝家羣從在青綾
幃外更逢君

土城山和錢六

江花江草滿江關浣女清歌日暮還曲罷彩雲猶未散春風
吹上土城山

春日南垞雜詩

移種盆松六尺強欲當車蓋蔽斜陽不知黛色成陰日此地

何人結草堂

河豚歌

天津之水連北溟七十二沽漩洄汀漁師乘春漾極浦舣
葉葉輕於萍河豚此時舉網得活東大小同賦形賣不直錢
棄可惜堆置更比凡魚腥南人見之莞爾笑是物足勝通侯
鯖葦蒲束取十百輩馬馱車載兼手拾晨興主人食指動忽
覩兩縛陳吾庭客來疾呼莫莫莫亟當投畀煩丁寧食熊者
肥食鼃瘦豆令人重榆則瞑彼猶無傷此獨甚犯之不異衝
鈴釘主人語客且安坐吾言物理君試聽人生一死各有候
非英棗華木葉零卽如飲啄亦分定鼎腹豈必堅關屬雖云
甘脆腐腸藥不聞茹藿長延齡茲魚信毒種乃別腹胸有法
食有經或如燕子尾涎涎或如束帶腰黃韉今之饌者皆不

爾安用荷鋪薤邱冥扶晴刮膜漉出血如鼈去醜魚乙丁磨
刀霍霍切作片井華水沃雙銅餅薑芽調辛椒欖醃荻筍抽
白蓂蒿青日長風和竈觚淨纖塵不到晴窗櫺重羅之麪生
醬和凝視滓汁仍清冷吾生年命匪在卯奚爲舌縮箸蠲停
西施乳滑恣教齧索耶酒醞未願醒入脣美味縱快意累客
坐人心方寧起看牆東杏花放橫參七點曙中星

甘泉漢瓦歌爲侯官林

同作

西京無書家但有急就凡將篇其後闕里闕乃得五鳳二年
輒滕公石室閉已久文體倜詭乖自然芝英鶴頭書歲遠俱
沈埋孰能抉淵奧冥索崔張先侯官林伺煥蒼雅祠中忽出
甘泉瓦長生未央字當中逸態橫生恣塗寫定州漢廟不足
珍銅雀香姜盡流亞吾聞甘泉本是祖龍之所遣武帝因而

恢拓之非無益壽延壽字今已蕩盡錙鎰金銅仙人去渭
水榱桷自毀化作龍鱗而當知是瓦定有鬼神護不然安得
團團如鏡勿使纖毫虧伊誰擅此隸法古母乃史邈丞相斯
下至元封人物能爾爲侗也耿奇莫與並手搨硬黃豐一挺
裴池作冊索客題重之不異焦山鼎吾生亦好金石文南踰
五嶺西三雲手披叢篁斬榛棘殘碑斷碣搜秋墳攜歸蓬屋
少香芸壁魚散走飢鼠囓蟲涎粉蛙徒紛紛侗今侗今真好
事毀闕遺墟靡不至短衣匹馬尋昭陵陪葬諸臣表銜位旁
及降王一十四右先咄咄左什忒殿以那順范頭利舊史缺
漸新史刪侗也爲之考其次試入儲藏蘭話堂長物何論僉
一箇君家嚴君政不苛至今秦地猶謳歌年過八十尙健飯
升砂不餌朱顏酖兼珍之養樂事多長生瓦兆本爲此請君

一日三摩挲

池上編籬偶成

槐汧菱池水一窪好編六枳作籬笆客來與乞平安竹老去
思栽頃刻花農丈人唯知避俗村夫子更嬾移家試添隔岸
香茅屋眼見南垞勝北垞

羅浮蝴蝶歌

爾雅釋蟲名蝴蝶置不錄之蟲豈無知小大各有族小者撻
末產江東大者乃在朱明曜真之天巖洞中當其物化初天
與形不同蠻雲華首紫海日轉桑紅游禽五色詎敢啄爾身
香霧花濛濛仙之人兮拍手笑愛爾翩翩特娟妙或云葛洪
衣或云麻姑裙二者傳說徒紛紛入秋倦飛絲乍罥葉底風
搖滿山蘭垂虹亭長手拊卽栗條去年踰嶺尋鉞橋歸來雪

灘纔卸馱分我蝶繭剛一箇畱之十句鳳子生曲腰短足相
擔撐豎雙眉張兩翅輕於吳絹薄於紙對神光之陸離駭賦
質之侗詭我思此蝶放之四百三十二峯前餐英嚼蕊恣歡
妍何難大似車輪然我今縱之出簾柙可惜不諳飼花法雲
母扇丹霞衣嗟爾萬里安得歸文章枉使負奇色不及灰黃
粉墨野蛾高下東西飛

朱彝鑒

字子民號千里秀水人

梅里詩輯于民生而穎異于山水圖畫秦漢篆刻不假
師授輒得神解兼擅藝事嘗請經師講詩小戎章昧于
車制乃削木爲之市絹人馬御輪執轡觀者歎服卒年
三十一文采風流清才雅辨與褚霞建競爽而俱天天
年未見止境

遺藁失傳

許村曉發

五更殘雨歇煙樹覺微明惻惻憂羣盜悠悠念獨行春雲開

水市曉月傍山城漸覺鄉音異淒其動旅情

賦

山晚黃雲合城高白露昏夜帆歸驛舍江色動柴門歲月閒
雙屐生涯老一樽秋風正搖落客思復何言

秋懷

秋天涼雨後客望但蕭條小市人烟斷高林木葉凋江聲連
古驛月色湧寒潮極目瀟湘遠愁魂不可招

同吳聞璋盛鶴江集徐撫辰園亭喜查韜荒自京口至
有客丹陽返相逢徐稗家開尊上明月卷幔落晴霞疎樹清
溪遠寒花石逕斜高陽皆舊侶後會未應賒

西湖竹枝詞

段家橋邊湖日陰石新婦下湖水深自從蘇小西陵去松柏

青青直到今

朱彝尊

字宇臣秀水諸生彝尊從弟著鶴洲殘藁

鶴洲春日

得雨春山活迎風鳥語嬌花深藏小屋水滿礙平橋乾壁蝸
難上荒亭鶴可招還聽明月下斷續檐聲遙

李繩遠

字斯年號樵嵐山人又號補黃村農嘉興人寅長子山諸生入國學考授州同知著尋壑外言

梅里詩輯補黃沈酣六朝浸淫初盛纏綿激宕骨秀氣
蒼五言律尤雋拔所著有獮祭錄五十卷正字通補正
卷二十

出潯陽郭由東城陂入廬山

始離潯陽郭言向名山行逶迤陟泉坂潦越瞰江城匡廬望
猶遠四山已縱橫顧指心目豁披拂襟袖清巖長密林亘天
肅高霞晴陽崖翠葉暗陰壑丹樹明絕石路始轉入谷身已

輕奔澗互流響栖禽挾鳴聲幽趣昔所愜放曠從此生痼痼
真可捐俗累豈我櫻誓當卜田舍將母來玉京游獄挈禽慶
勅家疑向平踟躕待婚嫁豈非兒女情

白水河瀑布

遙邁無憩鞍佳景亦停策早出安莊城霧散日氣赤遙見白
水河素練匝田陌漸近瀑布聲颯沓衆峯坼懸巖耀丹黃注
壑燦藍碧峴源窮千尋飛挂竟百尺鮮雲映晴輝潭光換朝
夕孤禽嘯山梁疎花靜崖隙撫物興自存觀化念彌適周覽
在行游何言倦遙役

黃鶴樓望漢陽歌寄查三

客行秋水黃州見黃花洄沿武昌岸山城啼亂鴉伊昔西
征違故鄉遙登黃鶴悲路長我歸一年滯吳越值爾攜家上

漢陽此時相聞不相見江魚塞雁空懷談天末誰題錦字書
桃花洞鎖池陽縣縣外花飛催客還綠蘿芳草徧江灣轉眼
三春懼初發看君雙槳到家山與我相從臥邱壑縱飲高吟
恣行樂兩醉春陽懽宴多那知揮手仍離索汝作新詞送我
游堪嗟來去盡江流兼葭彌岸淒淒思覽舊重尋黃鶴樓樓
邊回首風煙夕隔岸臺池迴千尺只有晴川萬古深巴巫上
下堪頭白渡口連船夾浦沙澗河迴合漢河斜佳人雲端望
不得會難別易愁天涯旅店客眠殘月早長年一曲滄浪好
杯酒難畱夏口城片帆再渡巴陵道巴陵岸倚洞庭波便入
湘南弔汨羅懷沙鵬鳥空詞賦滿目煙濤奈若何岳州樓館
相思路落日蒼茫對雲樹轉見岷江接漢江大別山頭憶君
住君住君歸經幾年江波連郭復連天輕鷗欲借東流楫一

夜吹迴及汝前

蒼梧

淒涼荒徼外行客罷登臨郡勢浮炎嶠山形接桂林苑花秋
草沒官柳夕陽沈淼淼滄江水東流日夜深

懷一公客山陰

謝公會宿處之子臥雲松近與朱游輩錫遙尋白社踪春晴
剡溪雪山曉石門鐘欲泛王猷棹樵風定可逢

黔沅舟中雜詩

黔陽三澗合九派自渠陽併入辰河駛遙添楚水長東奔連
武叙北去轉湖湘若有浮槎客尋源問夜郎
皇道三冬出漁梁十月乾晴嵐消晚瘴陰壑動新寒過雨諸
灘急迴颺萬木攢尙聞峯下路寥寂梵鐘殘

盡湖西南水黔麻更北迴直勝三峽阻不遣五丁開日月陰
巖洞烽燐變劫灰當時傳笛吹山響至今哀

蒙陰路中

細草黃沙路清泉白石村週遭羣嶺出搖落幾家存聚樹春
成巷梨花晝掩門誰邀驅馬客投館及黃昏

客夜有懷烏程吳右公明府董芑章參謀兩表兄

一送滇池草重行楚岸花故人俱遠宦遙夕倍思家沙暗三
秋雁河明八月槎天風洞庭葉蕭颯墜霜華

湘潭

盡日停牽纜湘潭縣郭門霧寒沙舸靜風午市橋喧渚鳥吟
陽谷谿花笑晚園南鄉冬候好不待早春暄

郴州

兩州輶車金
北向鴻將去南征路未央炎鄉趨五嶺水郭度三湘欹枕柳
船雨停鞍越樹霜平生俱遠客那覺歲年長

奉送曹秋嶽先生赴大同副使

丹書重見紫泥徵岐路飄風思不勝別館行旌開曉樹隔河
驅馬候春冰漸經天險分三晉却望中原阻二陵乘輿迴聞
清嘯發月明樓閣幾回登

白草蕭條去路賒雁門東首近京華河流細遶居延曲山勢
橫趨北嶽斜騎馬再逢童子竹寒帷都識使君車官亭空憶
寒梅好愁聽關西笛裏花

再宿曲靖新橋

驅馬長悲往路賒遙天晚日靜風沙再眠寒寺初更雨五見
炎鄉十月花醉去有時忘作客夢來無夜不還家高堂兩鬢

今垂白轉使歸心怨歲華

已酉九日過仙霞嶺

漸入甌閩鳥道開物華天景重相催十年九日他鄉過千里
三山獨客來林樹盡昏樓虎豹雨雲秋淨見樓臺江關南北
驅馳地遲暮驚心野吹哀

盛奕雲席上聞笛送別王白民歸慈谿

皎皎明河初夜橫南城烏鵲繞還驚王郎幾日愁歸去勸飲
今宵空復情楊柳折殘聞別曲梅花吹落盡離聲若耶溪水
相思路欲採芙蓉寄遠行

泊長沙

湖外沙晴昨夜星曉風吹斷榜人停城迴嶽麓峯前樹帆下
湘西渡口亭山氣北來橫紫翠江聲東轉瀉清冷荆南十月

煙花暮悵望寒雲起洞庭

寄縉雲蔣丹崖廣文

鄭虔游覽不如君蒼嶺元都興絕羣天際煙花來夕雨仙家
雞犬在春雲朱門高第今成市絳帳雙鬟盡解文吏隱千秋
思往蹟道書珍秘想難聞

武夷吟酬別彭爾仁入山

武夷之山迴百里三十六峯雲外起九曲洞深水浸山洞天
雖衆應難比漢祀秦壇其杳冥昇真歷歷有仙靈珠裙戲水
澄空鏡玉袖迴峯轉盡屏吾聞錢鏐在初古堯封彭城號彭
祖茲山坐隱七百春次子錢夷長錢武以此山名萬古尊彭
城遺裔傳清門侯官彭郎好骨相此中疑是真曾孫當年綵
屋空梁宴笙管淒哀偶然戀世人不記幔亭歌何由得與真

僊見彭郎結交天下希武夷同好舊相依高吟一曲河梁別
往日歌師今是非邀余並訪真人闕可憐歸客鳴榔發醉裏
遙尋玉女花夢中解看天壺月信是名才不可求天宮咫尺
汝應畱寒梅仙掌春堪折遠寄西陵雪夜舟

送懸公尋武康山居

吳興一郡皆有山清幽獨推武康縣高峯狹水斷雲煙誰能
到此招尋徧役公生來愛閒棲杖藜不計東與西皋亭結廬
十幾載重來築舍梅花谿春風谿上寒梅早花落紛紛人不
掃知君對此憶山居風景仍思武康好昔余還往苕溪流泛
宅淹畱經幾秋巖穴探奇不得盡愛君今作名山遊名山到
日真無數君訪真廬定何處石城銅棺耿相望閉關却掃忘
朝暮構李城南正月春雪花連雨覆通津送君最憶前溪水

他日相期好卜鄰

霑益州得二弟宣府書

今春已得延陵字知爾將從上谷行此日再傳宣府信憐余
方度宛溫城南鴻晚到書仍達朔霰先飛酒易傾共數歸期
良未卜清宵那不涕交橫

留別王阮亭戶部

昨上廣陵橋蕩槳梅花路還經射陽陂繫馬清淮渡兩地徬
徨踏雪行逢人爭說使君名算船江浦甯清節司法揚州起
頌聲却憶仙郎才望久詩句文詞滿人口二十年間良會稀
遙違京闕空搔首以此驅車歷下來尊前相揖黃金盞重簾
乍捲晴花合深館頻邀夜月開城邊官柳漸盈陌旋挽長條
送行客細雨盧溝州水生回頭上苑春相隔往日中儀譽轉

高度支新拜領三曹王自儀曹祇今財賦東南詔國事休辭

掌計勞

李良年初名法遠更名兆潢字武曾秀水人寅次子繩

嘉興府志武曾與兄

繼遠弟符稱三李

格律甚嚴嘗抄撮詩中禁字一卷授學者

通北偶談方爾止事多可笑一日與武曾故作增李見

武層先生誤矣某字武曾非增也方曰吾正恐人誤讀作

耳說鈴李十九武曾善為古文間作排儷體脫棄輒棄去

余問其故答曰吾家伯季並擅斯長阿京未欲爭勝耳

阿京良年小字

梅里詩輯昔人謂胸中有萬卷書筆下無一點塵以稱
徵君詢可謂無愧同時為宋詩者商邱宋漫室長洲汪
鈍翁皆是名家未足並駕也鈍翁及沛縣閻古古於學
問文章心日問豈有千古而皆心折後君類人蘇慙游
至謂策阮亭愚山蒲庵之長於一人讀其集比之忽遇
天風吹入瑤宮聞苑傾倒一至於此是時登鴻博之選

者五十人乃三十年來或不能舉其姓氏而

欽定

朱文藻曰李良年撰秋錦山房集二十二卷謹案

故當時薦廣無良年名集凡詩十卷詞二卷文十卷良
年少有雋才其游踪幾遍天下所未至者秦蜀嶺嶠其
詩清峭灑落亦頗得江山之助

碧浪湖

長日江村好風景自呼鄰叟放春船
亂雲野水自相暎細柳新蒲青可憐
此夜星河生客夢舊游臺榭渺寒州
紅粧剩有當爐者且醉烏程市上眠

烏程客舍憶查蘋荒

今年桃李月我汎南湖春東風如醺醺
醉殺冶游人君從漢口還遙持木蘭
檣攜手不盡歡連帆恣沿越中流見
桑麻疑是秦人家烟波忽相失滿目
愁風沙風沙吹未已月出吳姬

肆脫帽酒爐傍高歌不知醉清輝滿春林握別逾江潯我爲
廣客客君唱武夷吟吟成響巖谷目斷寒潮綠持此幔亭邊
何謝仙人曲燭來歲月遷黃葉迷吳天却對烏程酒懷君萬
里船昨夜夢君還知君在何處日夕南鴻飛不寄相思句相
思若楊花飄落隨天涯願作青苔月同君躡紫霞

返舊廬作

涼颺鴈秋氣微雲滿中庭是時霜始降奄忽百草零昔予事
行役遭途越郊垌顧瞻田疇間彌傷游子情不見稻與梁荆
棘自縱橫杳杳白日匿蕭蕭孤鴻征節物逝不處世業非所
營改轍卽裝路載驅戒晨興願得歸舊廬燕婉及平生唐風
有遺言感彼蟋蟀鳴

孫桴庵錢子岱宗之游且云將返黃山舊廬輒題酒肆

間以爲別

我本好游歷婚嫁嗤向平夢中五嶽久相待騎驢便作青齊
行烟花幾日揚州住天都山人卻相遇手把新詩憶舊游自
言欲向黃山去黃山迢迢何處邊二十四溪互迴旋草綠軒
轅煉丹處靈芝窈窕如金鈿聞君結廬亦傍茲山顛可惜此
術無人傳殊砂鉢孟名二峯空眼前我北去君南歸蕃釐觀前
且樽罍清潭白石各有適馬塵撲面何爲哉玉女池桃花峪
女蘿千尺灑松花二月香風迷野鹿偕宗此去獨躋攀躡屐
探崖未擬還有時拂石最高頂望爾黃山咫尺間

飯千公精舍念我長塗見餉瓜菜

淮南香積坐清幽相見驚心十五秋三笑不堪辭惠遠一詩
先擬到湯休菜子佛土名羅漢瓜出僧田薄故侯分贖轉憐

風味好煩將方法示蒼頭

寄曹秋嶽先生兼訊俞丈右吉

鳴鞭越居庸十日九風雨塞山休吹行路難時清那有從軍
苦怪石驚沙倦紫驪楊花飛暗古雲州虛傳蕭后籠鶯處不
見城南避暑樓雲中去此三百里使君節鉞青霄裏幕府何
人醉錦筵南州下榻仍知己月出恒山第幾峯雲蘿咫尺憶
仙蹤知公不減登臨興欲辦探奇五尺筇

廣陵船歌送葉元禮之真州

君不見廣陵船烟波不動笙歌起美人三月鏡中行朝朝暮
暮垂楊裏來往逐春風沿汭路不窮官橋二十四曲曲繞隋
宮隋宮蜀阪逶迤接向晚停歌復停機一入紅林不見人但
聞香氣飄裙屣河陽方妙年擲果舊相憐遙逢廣陵女應繫

廣陵船船頭野色連瓜步岸草江花幾回顧那能兩槩下真
州卻向昭明讀書處

酬別華陰王山史關中天生兄

我有數尺畫長洲文點作老屋三重茅清渠妙疏淪隔浦駐
漁舟垂楊蔽山郭中有抱甕子蕭然守畊鑿長纚挂青蓑紅
藤倚芒屨俯仰川岩間置身殊不惡觀者訝似予賤子笑且
諾高堂倚閭人齒髮漸衰落壯年耻無成食力分所託數載
客殊方飄若風轉蓬春陽忽滿眼雖驚上簷角閒來展此圖
恐負平生約故人三秦彥清風九霄鶴覽圖各枉句相期在
巖壑江湖淥無限苦竹青如昨田園雖荒蕪猶能供藜藿努
力賦高言當去京雒

水車行

黔人五月伐蠻竹水車團團架江腹百筒自轉洪濤風晴日
禾苗盡足豈無桔槔與輓轡終藉人力相扶持未如老農
日飽睡坐待粳稻收膏腴吾鄉水車製渾樸胼胝僅足輸官
租吾將攬筆繪此圖可惜江南水面平于鋪水車僅可施急
水倘欲移置徒區區古來財賦稱三吳吁嗟民力何由蘇

題宋八詩後

三唐已渺典聖在儼若金石萬古垂有明晚葉吁可怪棄厥
根本尋其枝小兒開口笑宋詩豈知良工意慘淡能事不貴
依簾籬江南僕射最清越坐我曉峽聽參差自餘西崑鬪纖
冶掩抑百味誰能訾孤山先生野鶴姿北有鉅野王元之一
顧掃絕粉與脂揄揚真化得歐九詞源駛穩開漣漪蘇梅有
才宦不達正可犄角歎同時或弄水石去官後或製錦字西

餘子不足溫廷蠡是時子瞻出峨眉脫轡千里難爲羈豫章
對樹中原旗以我壁壘當神奇同宮異響臆所取宛邱雞肋
皆予師後山吟榻未可哂一字不肯前人隨臨川淮海且高
東太欠跌宕猶矜持當年幕布十數公更愛丹稜兼具茨自
從赤羽限天塹太乙獨照江之陲翻然詞筆走光怪不與王
氣相推移尤揚范陸接祗出排壓半壁聲名馳世于游也無
間然石湖特妙田家詞新安夫子謝雕刻乃是四始元音遺
宣獻石屏各佳手病翁冰雪無點疵甌江秀色可攬結四靈
窈窕揚風規布衣而工知者誰富春灘頭歌且悲短竹欲碎
愁軍諮遺編一束山鬼泣百年棄擲輕蛛絲嗚呼往哲秋雲
高愧從井底論妍媸少小只解弄柔翰敲枹欲涉無津涯藏

書萬卷發米半功火到處寧吾私擬拋生事訪遺帙手微繚
輒力已疲今晨柯屨夕何夕夜光明月紛纍纍錦幪香襲且
歸矣茲事但可千秋期作詩聊寄耳食者蚍蜉撼樹將奚爲

雪灘釣叟歌爲顧丈茂倫作

華間延緣吾所師尋陽棹者非凡姿雪灘釣叟豈其亞姓名
蚤被時人知先生舊不事生產讀書樹根破萬卷土墻荒涼
藝花竹鄰里驚呼車轍滿此門一杜何當開笑指笠澤浮吾
杯連峯如雲七十二要看雪盡春風來絲挂珊瑚不設餌命
寫斯圖聊戲耳剗鱗撈蝦瑣瑣人公若逃名勿圖此君不見
占星夢獵聲名馳照耀史冊千年垂焦青漁童載兩頭詔遣
下取新歌詞筆牀茶竈往來熟故人又欲官天隨從來此事
遭物色黃金尺書來有時長安已築招隱館肯放此老津梁

瘦武陵桃花今不迷休歌河水清漣兮縱不相逢賈太尉定
應愁戴庾安西

雷琴詩爲張晴峯戶部作

古琴同材不同製未著朱絃先辨器紙前指後參微茫漦走
蛇紋亂真僞貞元好手不可作紛紛拙匠矜高藝張公嗜古
尤嗜琴忽向風塵詫奇異上刻宣和小篆文下書作者蜀雷
會枯桐無言俗眼惑解人逢之笑相視攜歸几案生輝光明
日題詩傳好事吁嗟是物已千霜什百何由存一二往時錢
唐一片冰寶惜不啻千瓊瑛樊川自署晉陵子尚憶大歷三
年銘門生遠致清非布歐家囊中亦有名卷衣摩挲歎雙絕
婉若繡被遮傾城此皆雷氏手親斲兩公去後嗟飄零公今
得此良不易物聚所好誰能爭何時焚香坐松聲猶能爲公

作蟹行母令俗客坐操纆三分闌入琵琶箏

下第後夢中得谷鳥桃花句醒足成之

旅中風日病夫顏枕簟清時去夢閒白水刺船塵鏡遠綠蕪
隨展放歌還空聞谷鳥如求侶且與桃花約住山西笑原非
靜者事荷衣敢望黜朝班

歲在丙辰予過滁陽題詩旅壁酒家女方八九齡拂硯
注水看予題竟又閱七載再宿此家見前題剝落過
半感行路之久仰視而嘆店叟詢所以少女方當壚
私語翁曰吾小時看客題詩于此翁命予洗硯遂相
忘耶叟以告予作詩記之

環滁青山如好友屈指相逢十有七荻舍茆簷買醉多佳例
逆旅來時失城西小巷孤吟處屋後櫻桃垂一樹暮雨春燈

梅里詩新排鄉詩五卷才力學問遠遜兩兄謂其補
一氣奔放絕塵之槩非兩兄所可掩也工駢體文惜補
泡集夫傳華亭高樓酒盡獨作藁表稱吾里諸前輩
時集飲郡城如水樓酒盡獨作藁表稱吾里諸前輩
經某史應聲如流適曹侍郎倦圃對坐許謂所熟書某
造訪招至家指示藏書俾得縱觀所未見誠佳話也
汪維日分虎前神事嘗見行卿圖自跋云已酉客海
碧雞山道士有神術謂符前身是廬山僧他生不
願為富貴人故今但得智慧與壽耳符聞其言恍如有
悟便作結茅東林想道士曰子尚有江湖之緣俟至二
十五年後可矣因屬虞
山楊生畫廬山行脚圖
定香亭筆談朱錫鬯曝書亭集送李符游滇詩其一云
畫裏分明廬嶽僧雲峯有約十年登江湖到處勾留住
看爾入山能不能其二云他鄉一望水接藍疑結鄰居
共釣潭休信碧雞狂道士開拋老屋在花南初意花南
字不過點綴趁韻耳後考分虎詩詞曰
花南老屋集瀾歎詩家用字親切如此

寄沈山子

自課僮傭十畝田古橋村落結廬偏鄰花過屋拈吟袖畬水
成溪活釣船屐響柴門詩弟子壘開竹墅酒神仙縹緲逕裏

踟躕別惆悵西風又颯然

登樓

花梁鴛瓦舊樓臺窗裏涼雲壓雁開莫訝向江凝望久畫檣
昨日此中來

詠羸車

眠興六尺長細劈黃篾做纖蘆頂彎環裁杉底柔懷約比筠
牀輕量較檀龕大精選雙羸扛差勝兩夫荷牙郎議書券僱
值倍載貨低首寒簾帷盤膝倚包裹頗似老衲參又若新婦
坐避彼雨與風容我病且惰傍有園人驅時作醉尉呵或前
趨策隨或後引羸拖下坂愁傾危入市嘔疾過屏擺屈成脫
窗擊側理破轉側不暫寧偃仰詎能臥如駕小牒欬一任高
浪簸目昏五色花頭眩百轉磨唾想玉壺攜飲怕錦茵泥露

筍伊啞鳴風鐸郎當和日久乃安然道遠亦無那穩達北平
遙實藉西產佐鱗臆未足誇龍芻豈憚剉塗車以鳳膠舉觴
還自賀

爲沈融谷題茶星閣

沈郎嗜茶有奇癖柘西小閣顏茶星社前新芽手煎煮林間
日日炊烟青自從繫馬雙臺宅龍井鴉山總難得何當軍將
來打門驚封傳送青門客我亦茶仙非酒仙經年消渴愁未
痊只思梳底傾如雪不愛壚頭瀉似泉忽憶茗南逢穀雨春
風開園見村女采殘紫筍鉤籃歸兩兩青裙隔溪語似此樂
事須還家君行且種河陽花他時寄載一車去索取琴邊歌
鬪茶

浦市

江路晚蕭瑟船頭涼雨過山程黔路近賈客蜀人多夜久生
殘月風微緩去波客眠長獨醒飄泊奈愁何

句容

雨黯孤城外遙峯翠靄沈馬疲愁日晚雁少覺春深江葦樵
人擔山花汲婦簪茅山祠在眼徒有茹芝心

滁州

南北譙形壯東西路勢連河流煙樹外山邊郭門前過市求
風柳逢人問釀泉空攜詩屐在一宿又籠鞭

秋柳

霜後風淒樹樹寒紅樓近處莫吹殘畫眉人去無新樣畱與
疏窗一葉看

與蔡遠士表弟

習家長水邊壤接由拳西爾母我從姑歸寧必相攜少長依
舅氏論姻得鴻妻因舍芙蓉國來住梅花溪與余小蓬門祇
隔籬蕪隄年時定鄉舍敗壁風淒淒有酒呼共飲白鹽糝黃
齏本非採薇人顏槁如夷齊出門持飢鉢厭苦輪與蹄負米
空歸來形瘁心悲迷徒招庾域鶴不割茅容雞煩爾相慰勞
屐齒銜苔泥執手話長策往往商耕犁結鄰茆三間各種瓜
滿畦開園收芋栗一掬兒女啼燈火照夜織聲聲出寒閨暇
日約看山到處扶杖藜

懷鍾淵映

隔歲曾相訪離羣復幾時城南分手地楊柳忽成絲落照平
蕪夕春風朔雁遲思君曾不遠回首失前期

村居書懷

欲采梅花釀麴塵閉門日日醉青春中懷挾策偏違俗右臂
備書不救貧解事園丁教種樹能言籠鳥報來賓買山未定

何山好村屋年年託此身

周 質 字青士號管谷初名筠字公

漁洋詩話青士居梅里隱於市廛偶遊嘉善假一園居
停一夕嘯咏甚適遂至達旦不咸寐患甚詰旦遣吏勾捉將加
問周味詩聲亦達旦乃得免或述此事余笑曰使袁虎
戮辱有士大夫援之乃得免或述此事余笑曰使袁虎
不遇謝鎮西幾不

免虎口一坐大笑不

靜志居詩話青士遭亂棄舉子業受廬賣米有括故家
遺書連船鬻于市者買得一船積樓下每日中交易僅

管斗斛權衡堆滿肆讀之據乾中其為詩句敲字琢不
輕襲前人片語胸無柴棘急人患難祝朋友如一身人

或忘大德而思小怨者不以真諸懷也晚年詩趨率易
好與浮屠道士游題詠極多嘗醉書五言云似士不遊

庠似農會讀書似工不操作似商謝弁趨立言頗突兀
應事還猶疎飢凍不少顧吟詩作歡娛正可當一幅寫

也照

國朝名家詩鈔小傳周質所為古今詩超超拔俗時同早

王元其詩與相倡和四方名士遇者輒留飲或釀金會

交伯舟於門相接也生計日窘往來嘉善鄉以詩格

授人每出少年子弟三五執詩卷隨之行援止者或數

日西遊或不少去嘗元日挈子收至武康銅井山尋僧

轉入徑山或晴已昏暮去山二十里雪甚虎跡交於塗循

溪所居僧成哭於後不少顧遙望林中燈就之則僧墜

失道心一動則多虎口矣因煨芋魁共啖雷信宿乃曉

山嶺遍歷七十二精舍而

返其舊不歸多此類也

來之遊九峯訪諸乾一暮至柳氏偶步城東見一農舟遂

庵僧力拒俳諧佛燈下忽視壁間詩板指曰周青士郎

予也僧素為其名乃止宿焉其作詩低頭沈思行街市

中若無所見曾在白下禪廬往來池上僧疑其赴水竟

夕不寐又嘗行吟慈雲寺中誤觸當事輿詢為詩人乃

免其迂誕

類如此
梅里詩輯周布衣古文出入歐曾惜其散佚世無知者
詩篇真匪流行清超樸淡五言尤勝嘗有數兩鬚女巨
室及長將以配誰從亟解囊贖而嫁之采石佑寄千金
而溺死為具棺斂手書招其子傾笥還之歲飢出錢散

可下
會千
卷六
周質
天

米食饑者客京師時貴人小妻周買自楚詭言本禾人
謂布衣我叔將出拜嶮辭之有削三絨贈行者曰挾此
可得百金却此不
受其嚴正若此
視昔編蓄谷少嗜學學成去學賈且賈且讀身雖在市
闌中未嘗一日無詩也與竹垞藍村秋錦最友善相唱
酬詩口工名日著遠近英流樂造訪焉至則具酒肴聚
晨夕有貧乏者周之傾橐不少惜其有才名而未獲謀
面者冀一得見為快或輕帆一葉或徒步重茵與至卽
行雖家人莫知其踪跡也嘗於歲除日鼓棹明元日
往訪臬亭山僧道蘊其後寄詩云扁舟訪我到西湖人
業還能精進無忽憶歲朝風雪裏扁舟訪我到西湖人
多傳為佳話君之與余交也始於康熙壬子數同松陵
徐曜庵過余是時余方有事於詩刻探輟校讎以幣招
之力自後館余齋者垂十年歲乙丑都門色太僕丁卯秋
之欣然命駕至之日傾動輦下莫不相見恨晚丁卯秋
友有人龔主事蘅圃攜之南旋舟抵淮上卒于徐塘年六
十有六所著詩文外又精于詞律偏搜唐宋元諸詞家
各詞中有字句長短平側變換者
分別體裁輯詞緯一書惜未行世
南野堂筆記僕半生衣食奔走兒輩多廢學每誦周子
士布衣示兒詩云几靜晨開卷餅空晚作糜得成兒其
學無碍老夫汎為慨然也少陵云有子賢與愚何其
杜懷抱目陶潛未達道正為宗文宗武解嘲太息耳

過白蓮寺觀銅塔是錢鏐時故物將

銅塔如片瓦鎔鑄何工巧隆起欄楯形圖識尚可知是五代物厥惟錢王造是類萬有千聚散不可保幾歷兵火災存者今已少蔣生偶獲之什襲逾重寶施捨鎮精廬此意實微眇嗣公喜我至出示光尚皎窪處填黃金顯目諸相好居兒額偏廣下放刀仗小一者既若斯諸餘皆可曉

春日皋亭訪靈章禪師巢枸居

探奇入艱阻杖策西山巔盤回出榛莽始達精廬前微光射虛堂夕照猶西懸遺薪滿林皋爨室通源泉愛此山中居所適安自然我來雪初霽巖壑開晴天叢梅倚絕壁皎潔有餘妍境絕思亦清心止如澄淵清談至夜分擁火不得眠晨鐘發前嶺月落生寒烟

有錢百餘適書客持敬輿集至顧囊售之傍午始得成

炊賦示咬兒

几靜晨開卷餅空晚作糜得成兒子學無礙老夫飢揖讓殊
臣僕提攜藉友師無嫌家世賤叔度是牛醫

秋夜懷李天穀

夜半落寒露微風颯然起湖光不知夜秋明荻苗水河漢繁
星飛一月靜如止烟樹傷遠懷伊人渺千里哀鴻失其羣嗷
嗷尙難已何況離居情誰能異於此

晚登紫微山

行役喜暫休偶泊東山麓杖策登崇岡聊復肆遐矚渺然百
里秋蕭蕭方落木曠野生夕風天地寒始肅林開海上峯隱
見遞起伏累壇表峩煥黎庶走威福徒勞盡脂膏金碧光草

木隔嶺間鳴鐘殷殷動空谷際夜烟嵐收初月映深竹

秋日寄田山人兼懷放庵白公

西風木葉落悵望東南峯下有隱君子種蒔幽蹤念余有
同好攀陟時相從經年困廬役兩地遙音容石門深且邃磴
道多雲松中林負夙約慙愧聞晨鐘

湖上尋沈十二

湖上山色佳日落寒烟起霽月開疏林澄波共清泚幽人孤
曠懷相對情難已晨興理輕櫂殘夜未云止
至山雖無言待月應有以散髮弄潺湲與爾期終始

同諸子集指月庵

落日步寒郊清溪望中闊眷言二三子精舍言重謁庭梅行
漸舒階草亦微發冰霜雖滿林春意辨豪末
四歲尙逾旬人

事頗倉卒聊乘俄頃間神氣得超越清談不_一和疲率勃深理
窟余忝馬齒加貧賤苦筋骨茅齋歸去來清明爲君竭

紫微山歌送胡天岫移居

東風吹烟綠芳渚送爾移家復何處紫微山色嵐翠重蘭櫂
遙看此中去此中高隱君故人藥鑪茶竈歡相親陰崖茆屋
結未久陽谷蘿軒高構新昨夜淙淙山雨急瑤草奇花盡
濕今朝君去天更晴愁絕青峯向空立與君本擬結同心那
知離隔共沈吟我留市井人爭賤君傍雪山詎易尋世間萬
事真難料智士翻爲愚者笑樵李行歌且負薪涓瀆不遇空
垂釣紫微山北讀書臺朝發蒲帆口暮迴爲道相思難解釋
扁舟月下更能來

喬侍讀一峯草堂看花歌同陸辛齋朱竹垞查夏重湯

西崖分賦

九十日春不可駐玉河稊柳青漸濃官溝滌穢難墊足何處
得看林壑重人言侍讀新築好紫丁香結千枝穠辛齋竹垞
吾老友不嫌策騎參支筇查生叩扉湯生起顧我一笑偕過
從是日天朗惠風細晴絲冉冉烟茸茸莎亭擁腫欹四柱花
氣遠接簷前峯縛樹老藤更天矯如割左耳弁乖龍縹囊欲
坼尙未坼已見小尾游黃蜂主人朝回跋草履揖我得觀冰
雪容食單藉地任箕踞脫略禮法便疎慵騰觚凍醪臘百末
飢盤雜果儲三冬吾家長水塘一曲白鷺繡鴨紛游溶油菜
花香蠶豆熟貓頭筍迸芹泥鬆及基山東審山北麴塵波暖
浮方卿撫琴久已謝宗炳鑿穴今復輸臺佟自從騎驢入燕
市魴鯉去沼鵬閉籠得閒曠論厠坐末一洗膠固從來胸銀

絲切膾非登俎更畱午食餐冬春何當清暑復來集醉看夜
合花惺忪

與弟篁

江梅三十樹正在爾門前幾日春風動坐來香可憐繁花晴
綴雪纖月晚含烟記得支公別謂篁公題詩又隔年

春夜宿放庵有懷墨公在徑山

招提遠投宿夜半竹扉開僧自定中起客從何處來山厨初
換火石榻早生苔遙憶祥峯老清吟日幾回

飲橘鶴樓追悼沈武功

魏水扁舟去復還春風落日叩禪關傷心橘鶴樓頭醉不見
題詩沈朗山

吳門卽事

香煙莫問采蓮舟。歌舞消沈歲月流。春事乍過三日雨。游人
還說百花洲。深閨螺黛張京兆。列嶂丹青顯虎頭。老作客遊
豪氣在。淳于不醉待何求。

丹陽道中

岸轉黃泥壩。雲開大瀆山。相將出京口。取次度燕關。裘擁寒
仍襲。裘輕道未艱。酬恩尙知己。未定幾時還。

過鳳鳴寺溪竹山房

無事重來此。幽襟得灑然。樹叢分鳥界。溪轉別魚天。聲喜聞
鐘近。人疑入社偏。肯將蒲葉洒。泛向法幢筵。

毘陵夜泊次韻

橋李吳門一水通。毘陵晚泊醉歌同。出門缺月成圓月。挂席
南風轉北風。欵乃聲中催髮白。空濛影裏散燈紅。不須便作

還家夢江海行隨把釣翁

食青精飯次韻

春來穀價騰八口不得飯平生幾窮交抱策金門獻顧我處
鄉間求食賴脚健從人笑拙謀失尺乃求寸亦食糠粃肥而
喜紅玉饌售主必有專恥比市井販從來菜園中頗怪羊脂
脂今朝饌青精厚意良足繼桃花伸長腰染翠色轉嫩久服
有奇功恣噉不用勸恍然遇松喬敬謝首再頓清虛目以來
滓穢欲全噴名賢聚一堂下筆動盈萬把袂雖夙期執鞭亦
斯願瓦缶繼韶音將毋取諧諠

送杜鄰若之燕

別後淒其淚尊前慷慨詞窮交惟爾我岐路復參差樹北風
霜苦江南草木衰茲行須努力無負故人期

送沈默庵歸山中

以我窮途淚沾君遠客衣霜清殘葉下風急斷蓬飛朋侶分

攜盡江湖生事違還憐臥巖壑重此掩荆扉

羅

坤字宏載號羅村會稽諸生康熙己未舉博學鴻詞以康熙己未

召試

紹興府志地以康熙己未舉博學鴻詞以康熙己未

奇齡謂坤新詩以益肆力詩古文詞一時名流推重之毛

齊記所遊蜀小品顧善於摩畫讀一首如展畫一幀又

精小學能篆刻偶作

竹木奇石法老蓮

余懷羅村詩集序略曰羅羅村詩古音樂府直是陳思

歌石竟如日谷近體不讓隨州雜詠竹枝可方賓客深

情逸韻落英多洵可擅東南之勝矣

吳興竹枝詞

小女青姑雙髻鬢舊年同上道場山新春嫁作東鄰婦自去

采桑不得閒

兩浙輶軒錄

卷六

小婦漁船細網輕網來水族不知名明朝初八能仁寺官府
傳呼買放生

白門竹枝詞

報恩寶塔碧陵嶒舍利毫光第九層阿儂塔下勤稽首上有
諸天不敢登

除夕渡黃河

天涯臘盡獨歸燕客路蕭條蔽暮烟萬古黃河無晝夜明朝
孤客有新年

周計百司李招飲舟中同陳士業陳元水徐伯調陳康
侯都平備

芳草碧連空樓船返照紅珠簾蛟蜃雨錦纜鷓鴣風清興憐
王粲高懷識庾公憑闌時縱目歸路水雲中

弔孫太初墓

蕭然高士墓一徑薜蘿深荒碣有名姓空山無古今泉聲寒
夕照鳥語落春陰五嶽生前跡茫茫何處尋

步吳梅村先生韻呈蘭公

載酒同遊處蒼溪與弁峯王孫三品石天目六朝松得句諸
賓和栽花候吏從世情方潦倒吾道自難容商盤曰蘭老以
詩乃實錄梅村韻詩有官如殘夢短
客比亂山多之句想亦蕭艾不擇也

平坡寺

山勢真開敞招提復建初人來殘雪後碑問北朝餘鐘鼓通
天漢丹青儼帝居老僧宏願力龍象豈空虛

題健松齋爲方渭仁

手澤先公在栽松歷歲寒應憐兵火後如作故人看冰雪相

磨鍊龍蛇自鬱蟠永懷嘉樹傳解帶向巖巒

康臣戲成打棗歌因和之

棗葉青青棗子紅兒家恰在棗林中今年棗結枝枝滿不比
逆房一半空

看雪步愚山先生

山雪孤城遠斜陽冷翠微人畱南楚地雁向北風飛時序驚
殘臘乾坤走布衣頻年欣問字詞賦謝元卿

懷大可章江未歸

何處畱詩客飄零折角巾滕王久作賦禹穴未歸人載酒停
雲暮聽鶯芳樹春思君心似結不敢採湘蓴

同杜于皇飲辰六草堂有懷蘭次先生

積雪連周道三冬客廣陵小堂浮綠酒好友對青燈工部詩

稱健江郎賦最能五年同聚首時憶柳吳興

西施山西施教歌舞地

參差臺榭鬱蒼蒼風雨吹殘薛荔牆偏有子規啼盡檻更無
蝴蝶上釵梁霸圖自昔空搔首勝事於今枉斷腸猶記美人
歌舞地依依花草尙畱香

毛奇齡字于一一名姓字大可號初晴又號西河蕭山人
國朝名家詩鈔小傳毛奇齡少負才翰林檢討著西河合集
好臧否人物意稍不合卽不稍假顏色問效元人作小
詞雜曲以自娛惡家摘其語以爲誦謗按驗無實得往
坐既而之美齊之楚鄭之梁燕重門複壁曼喘長吟往
往託之美人香草以寫其幽思過淮陰於張吏部罔亭
倚醉叩槃賦明河篇六百里餘言及旦別城中鈔寫殆遍
又嘗游飲禹州楊花飛飛望署後白雲樓拉下作歌匪
月而都下妓館酒樓競相傳唱皆其生平之佳話也
爲詩近萬首嘗自言酬應者十九宴游者十一登臨感
寄無間焉上風騷之義遠矣平生絕不喜東坡詩謂其詞
繁意盡去風騷之義遠矣平生絕不喜東坡詩謂其詞
三兩枝春江水暖鴨先知之句相難謂此等詩亦得云

兩浙輶輶錄 卷六

卷六

三

不佳耶 蓬 然 萬 骨 幹 豔 彩 莊 而 耶 獨 尊 鴨 也 衆 爲 捧 腹

然 西 河 後 重 見 神 龍 景 雲 鳳 度 始 寧 女 士 徐 昭

于 干 載 瀨 中 集 而 咸 歎 應 受 學 稱 都 講 焉

華 讀 西 河 奇 齡 當 明 未 業 有 盛 名 及

紹 興 府 志 奇 齡 入 館 者 五 十 人 皆 文 學 老 儒 而 奇 齡 與

宜 興 陳 維 崧 尤 卓 傑 海 內 稱 毛 陳 然 維 崧 所 長 駢 麗 之

文 其 他 固 未 逮 也 學 士 李 天 稷 以 奇 齡 詩 擬 之 杜 少

陵 文 擬 之 韓 吏 部 學 大 學 擬 之 孔 穎 達 陸 以 奇 齡 明 輩 而 奇 齡 所

白 負 者 獨 在 經 史 其 解 經 多 與 宋 儒 納 繫 不 生 持 論 喜

事 功 厭 空 談 素 稱 東 漢 人 行 詭 謂 足 見 人 真 性 情 學 士

及 禮 樂 經 曲 律 呂 諸 事 驚 之 然 奇 齡 謂 九 經 四 子 六 藝 旁

然 者 天 性 樂 易 鳥 友 朋 獎 成 後 遇 有 一 得 其 技 葉 非 苟
口 或 疑 其 歷 詆 古 人 負 氣 難 下 及 親 炙 半 采 楓 爽 不 去
然 出 意 外 奇 齡 名 古 號 凡 數 易 一 人 稱 西 河 先 生 秀 水
越 風 西 河 先 生 經 術 湛 深 爲 一 代 著 作 鉅 手 蕭 山 秀 水
並 峙 浙 東 西 生 平 文 術 一 詩 史 二 音 律 三 著 作 鉅 手 蕭 山 秀 水
止 檢 詞 名 位 難 兼 若 此 詩 史 二 音 律 三 著 作 鉅 手 蕭 山 秀 水
歲 悼 亡 比 諸 玉 局 之 於 朝 雲 但 未 建 六 如 亭 耳
國 人 意 在 矯 前 人 推 重 元 之 犇 駁 文 體 長 於 序 事 詩 擬 唐
城 山 飲 馬 城 未 歸 平 淡 耳 飲 馬 城 邊 曲 二 絕 蘇 臺 北 望 薊

椅闕城邊飲馬莫辭遐將採燕山二月花日在陣前誰
敢敵紅草疎路微白精低落凋光門靜入山色寫景領
林暫入微五字三韻體中種蔬逢好雨送客在殘陽山色
會邊起江聲城外來五言律中林深無火吹一任亂鶯
啼盤溪三十度總在碧雲中等句則天然超妙非粉飾
也總之漢魏六朝三唐宋元必難禁其互相消長于天
地間隨體別裁隨時挽救自在識者過分門戶皆失平

也

心也
中集王亦退曰西河五律自目前語如紅竿隱寺樓
平田千螺舞類有畫語如雲際流天影動類人家斜照裏類
有理會語如山空收霧早月沈燈影動類人家斜照裏類
伊闕黃河湧虎過草頭風類有可思語如繁條抽野館如
燭墜舞衣前海日連雲起亦是驚人語畫語劉勃安謂
西河鳥啼懷故國馬首戀鄉人善寫人語畫語劉勃安謂
菱落及秋生

工抒物理
全浙詩話按西河先生集以散體文為最其長篇叙事
尤得龍門神髓所作詩詞流播甚遠嘗有琉球使者過
杭寬買中集并訪見先生故先生懸一聯曰千秋經
街雷天萬里蠻方議姓名蓋先生所自作而假名于
門生某者也先生凡作詩文必先羅書滿前考核精細
纔伸紙疾書其夫人陳氏以先生有妾曼殊性妬悍輒

雨折翰
卷六
毛奇齡
美

可謂人前曰爾輩以毛大可為博學耶渠作七言八句

亦必隨祭乃成先生笑曰動筆一後生小子幸教予

純熟終身不忘口積月累自然博洽後生小子幸教予

為之婦言勿聽也又嘗戲居矮屋三間左列圖史右住

夫人而中為會客之所先生構思詩文手不停筆質問

之土環坐于旁隨問隨答非非無一誤夫人在室中更

一罵不絕口先生復還話之殆五官並用者聽敏之資

余言無兩余先祖月山公與先生交善相處最久因為

光皆淹貫博洽又按先生同鄉蕭山包秉德沈禹錫蔡仲

以諸生老死惟西河之名徧天下蔡之稱述其後三人皆

人竟無有知三西河之名徧天下蔡之稱述其後三人皆

定香亭筆談毛西河檢討詩咀含六朝三唐之勝沈博

絕麗幼時情淡毛西河檢討詩咀含六朝三唐之勝沈博

寒食渡江東又歲暮他鄉還作客春來何處行海畔兩年

處不思君天然湊泊唐人中最近李頗何

朱文藻曰西河合集為一編其餘卷門人子所編分經集史集文

集雜著二部為一編其餘卷門人子所編分經集史集文

集文藻二部為一編其餘卷門人子所編分經集史集文

百七十九卷謹案編其編於集部者古文詩詞統計一

四庫全書別集著錄提要稱其文縱橫博辨傲視一世

與其經說相表裏不古不今自成一格不可以繩尺求

之然議論多所發明亦不可廢其詩又次於文不免傷

於猥雜而要亦我法不磨隨人步趨者以餘事觀

欽定

之可
矣

陳州村人或賦上陽白髮人者姓過聞而感焉

河南河北不種麻上陽宮中無好花玉溝流水載花出從此
宮牆不能入宛邱東路桑落村漂流近在村東園黃門持鵝
晚歸寂公主望鄉朔負暄西山盜賊走春電花落重飛舊巢
燕舞驚翻垂藥宿衣漚麻添作宮姬線金輿入蜀未得歸道
旁不用傷蛾眉上陽白髮誰家賦能使旁人雙淚垂

沽酒

沽酒驛樓邊楊花入暮天車聲驚異地門影記當年江上乘
程度壚頭一醉眠春鶯如有恨啼殺碧簾前

朔方

天校神兵罷朔方雙鍵不復挂漁陽三秋白草綠關斷萬里

黃河入塞長鐵柱分標旗外戍金書異姓漢中王從軍久負
匡時略愁見邊關到夜郎

寒食渡江

吳關千里燈烟通挂去長帆返照中三月暮春行海畔兩年
寒食渡江東風吹官柳城邊綠露浥山花壠上紅惆悵故園
年少在鬪雞蹴鞠與誰同

除夕作

旅館椒花紅欲然椒盤愁向客中傳如何纔聽金雞唱便喚
今宵是客年

有贈

雙瞳曉剪巴江水一笑春生揚子潮杜牧不來韓壽去可憐
二十四條橋

白鷺洲施湖西席送吳百明之任滇州卽席同陸圻韻
天涯高會惜離羣
錦席芳洲夜送君
樹裏星河三楚盡
樓前章貢一江分
翻來白鷺波間羽
望起蒼梧嶺外雲
怪底新歌皆妙曲
征西官屬總能文

逢劉二江南行

王孫十載罷追游
又上龍江古渡頭
獨酌馬生仍作客
同行李廣未封侯
梨花滿院畱青漆
柳樹長干躍紫驄
無限建康城下水
年年空向海東流

馬跡懷南士

越王山下賦離羣
英布城前看落雲
歲暮他鄉還作客
春來何處不思君
天開婺女搖晴翠
水滿康郎漾夕曛
陽雁欲歸愁未得
幾回哀響夢中聞

登山陰朱相公東武山居同吳二卿禎徐二成清商十

八命說作

相君治第並滄洲齊郡靈峯起壯游海內羣思師尙父山中
曾臥富平侯崇臺萬井攀珠箔曲檻層霄敞畫樓回首華林
行樂地白雲長繞舊官溝

登吳山蘭若同張孝廉

岑巖紺闕快同登直上吳山第一層樹杪寒濤翻北郭帆來
古渡是西陵中天化雨迷香象落日秋風對季鷹我欲遠尋
蓬島去何年東望海雲蒸

送別

大江東下水瀾瀾送子江亭酒一卮塞上黃花隨定遠山前
紅草是將離荒雞淮浦殘星斷匹馬燕關落照遲我本無家

君又別海天長望使人思

送李檢討告養還山

招弓下中山葦屢朝上京公車何崔嵬所藉高世名志氣本
超卓文藻亦縱橫誰言紫閣翁少小無宦情

至尊重良會

召見開延英食以朱貝粹沃以碧筍羹給札令呈藝櫟落無
弱營因之授冊府入署承明庭夏雲方南馳夜火將西傾一
旦上省養孝感動

聖明銜帙謝京邑衣錦投鄉程祖帳各學袂反若千里行人
生有初服亦欲奠所貞何爲坐拘牽閱志徒怍怍

太華有佳氣乃在龍門山千載啟石室一若通武關盤岡與
繡嶺隱者藏其間况復鍾靈異於此產馬班當今居史箴疇

職筆與刪翳衆多匠手而予猶汗顏維彼粲門子高踞蘭臺
端慷慨忽棄置躑躅誰躋攀柱下去一宿撰事畱五難有論
責韓愈無書報任安新秋坐林薄仰看飛雲還窗通紫微遠
戶傍太乙寒日月過檐隙晨夕躬庭餐視此三寸擾何如一
日問予有湖上業灩澦通園官思以割一曲未敢徼

聖懽橫門出祖道藉藉皆來觀緬彼前史賢相顧增長嘆

打虎兒行

有序

禹州民朱兒救父打虎史使君廷桂獎勞之子識之

禹署

打虎兒乃在汴梁之禹州禹州城外朱家樓小兒十一隨父
畊深林有虎斑毛成颺颺黑風吹草根乘風攫人誰敢攫小
兒不識虎乃亦聞虎名虎來小兒怖欲啼見虎掀屑銜父屍

咆哮草際風來吹兒啼向風不得父把杙打虎截虎路三尺
童子五尺杙打虎落毛傷虎臆虎驚顧兒舍父逃深林風草
皆無色禹州刺史呼小兒褰之以帛飽以糜予時在署識兒
而耳髮疎弱真兒嬉問兒打虎虎何似舉手張齒作虎勢似
虎隱懼恐小兒小兒復怖將啼歸當時見虎得無怖此義我
亦昧其故禹州刺史省得知是日小兒知有父男兒七尺傷
父心天寒辭墓行求金安得棄鋏抱長杙與之同日還深林
我所思打虎兒

飲祁中丞東書樓同張四梯張五杉姜十七廷梧蔡五
十一仲光觀祁五理孫藏畫書事并呈祁禮部牙佳
姜別駕幹

清江細雨暗遙郭浮雲齊靄居上頭銀餅美酒瀉行客招我

東壁藏書樓樓頭遍插李侯架玉軸金籤滿前紐乍餘幃子
寫丹青更見屏開舊圖畫滕王蛺蝶銜綠苔江都駿馬飛黃
埃龍瞳欲點風雨下虎頭落筆滄溟開憐予畫理本未晰金
錯三過頗疑惑張杉同我快指觀恍若洪濤盪胸臆于今只
愛陳老蓮蘇州待詔吳興錢烏程關思亦超絕君家尚有和
蟬仙我欲雨中摹一幅姜九西游賦黃鵠主人便起經且營
細拂驚溪柳條綠酒清肉美催飲頻檐前驟雨傾盆餅畫成
相視頓開霽生綃捲出秦峯青

柳花歌

春風濯濯江南路吹出邗關到瓜步邗關三月春草長市樓
大道愁春陽陽春初開日初杲大道花飛一何早清明漸近
細雨來繞樹游絲墮縹緲游絲縹緲如霧飛入隋堤柳條

佳晴堤柳色青瑣璚十里流鶯啼不去流鶯啼徹聲蕭騷依
依拂面空垂條揮鞭欲入安平道驅車不上咸陽橋咸陽北
望心斷絕滿漣陵原有離別陽關三疊何處吟弱柳千條倩
誰折蕪城草青及春暮柳色重重起還卜青樓倚翠縈酒壚
白馬連錢繫歸渡低枝颺颺接長坂高枝蓬蓬作花綢茫茫
飛雪繞去遲浙浙輕綿留來晚翩隨舞蝶欹朱花煖向曉烟
棲玉鴉遲迴長使戀北關飄搖何事留南家南家杳渺去無
計墜霧驚風日顚顚春江濫熈起淥波燕子飛飛迴難至初
翻積雨障輕塵更渡粧樓烏素茵滿眼離披不知處愁殺東
西行路人

武進憚仲升過話

熟食春前近扁舟江上來烏啼木客塚雨過越王臺畏路行

何慮空樽語易哀
函關天棧杳使汝戀蒿萊

送姚江黃晦木之三吳

醉雨暗孤城
春山繞落英
涉江懷楚頌
對酒恨秦箏
構李程
難定姑蘇草
正生蘆中人
不見瀨上漫經行

少與包二秉德蔡五十一仲光沈七禹錫爲鄉遊道古
論文視若兄弟今包二死十四年沈七死十八年矣
獨蔡五十一與予居人間世予又瀕死道路曩時交
遊文章悉亡兵燹憶包二尙存集數卷未行世予泊
舟餘干城下爲賦此詩

向昌遊河內
陶劉散澤潁
十年生死路
萬里去來人
抱痛同
沾酒虛懷薦
負薪繁花孤館暮
宿草隔江春
司馬無書上黔
婁到死貧
一吟懷舊賦
涕泗滿青蘋

重集閣園醉宿贈劉昌言進士暨始大始恢二令君

去年來此園荷根出水枯葉寒今年來此園雨餘又見荷珠
團此園久別亦可念況復園中主人面春風送我入洛陽上
巳清明不相見新禽啼遍蝴蝶飛盡梁乳燕捎紅泥蒲葵滿
徑草花落執手慰勞還歔歔坐我桃竹茵飲我木瓜酒西亭
懸葛巾東廚滌梁數石枰分踞恣酬酢樹裏斜陽散幽壑暝
霧初開華燭明畱我溪南最高閣閣邃翳月光燭明照深樹
我念主人情流連不能去流連高閣月樹涼卷簾欲倒黃金
牀主人本是金閨客將赴長安曉馳驛有子承明獻賦還同
向天衢展飛翮我念主人不能去主人好我且還住空園寂
靜溥露華落月幽清滿江路園花開盡當復開江南歸客猶
能來夜深相對情無已更盡亭前酒一杯

徐咸清

字仲山上海虞諸生康熙已未

紹興府志咸清為前明兵部尚書人龍子人龍自上虞

徙居郡城之稽山咸清一歲識字五歲通一經甫束髮

以官監生應鄉舉有文名長娶冢宰商周祚女女亦能

詩乃就稽山關庭構藥閣設長筵發所藏書對坐縱觀

暇則抽牘各為詩最精小學嘗患宣城梅

越風仲山為先冢宰等軒公壻以祖姑嗣音為婦以才

媛昭華為女皆閨中之秀有林下風香閣倡酬金帛玉

聯康熙已未以諸生應博學鴻詞科放歸輩下鉅公贈

聯云

北關上書爭識西京才子

東軒賜食歸貽南國佳人一時監稱之

登岱

東行望泰山了了青芙蓉驚翻碧海色飛落岵嶺松漸近滅
翠靄未到聞清鐘攝衣更攀陟曠然開心胸幽花炫日月異
草迷春冬俯視小天下知為眾山宗不識何年代盛典來登
封玉檢金泥函瑞氣羅千重七十二君跡風吹杳無踪淳澆

久已判舉手將安從

晨登千仞峯佳氣何氤氲
天門射暉日彩霞落紛紛
元氣自流轉不知晝夜分
竊窺古英妃飄飄紫綺裙
天漿漱皓齒玉色含微醺
結成金芝謚卽是前峯雲
手持一方冊授以太始文
回首隔霄漢散失鸞鶴羣
瑤簫去縹緲餘音不可聞

益都相公招集萬柳堂卽席口占二律同王仲昭毛大可陳其年吳志伊柴譽斯家大文步韻

平泉載酒喜重過翠蓋春風映碧蘿
玉勒行來搖柳細金衣啼處放花多
名關甯客常投轄別墅看棋未爛柯
何日沙堤隨後轍承明時問夜如何

萬樹垂楊千樹花南皮高會聚天涯
金甌仙露調官釀玉鼎廉泉淪賜茶
雨過池頭龍蟄動風開雲路雁行賒
公門桃李

乘春放早晚

彤廷降白麻

同沈觀文北上

桂香初發滿城芬
青翰同登有鄂君
愧我疏狂非孺子
憐君才藻似休文
帆移淮浦隨殘月
雁度江關散曉雲
何處洞簫吹折柳
離人相對不堪聞

同宋旣庭毛大可陳其年王仲昭吳志伊赴中書喬石
林席卽事

喬公列第鬱金堂
邀我同擎琥珀光
絳燭已明青玉案
黃花偏對紫微郎
閒編錦字來中秘
行酒文衣散御香
賓主東南稱盡美
渾忘今夜是他鄉

閣學項眉山先生於虎林幕府會面今二十餘年復見

燕邸招同宋旣庭毛大可陳其年鄧孝威夏宛來飲

感賦

平津傑閣啟門東客到剛燒桦燭紅
高會簪裾來鄴下細聽絲竹出槐中
香浮綺席如增煖月到金樽未照空
二十年前看畫錦於今還是黑頭公

與君聯轡入燕關旋唱驪駒又送還
纔進寒衣霜早白未封尺素淚先斑
鷄聲風斷聞鄉語馬首雲開見故山
上苑春來花盡發何時同向

帝城攀

送吳農祥歸武林

漢相佳公子曾聯鴈鷺班已分玉食案
仍著布衣還斗酒辭燕市孤雲飛定山
到時荷芰美好向聖湖攀

兩浙輶軒錄

卷六

翁同龢

四

家大文林鴻兩弟同徵

風急天高送雁音微書同拜

帝恩深南州冠冕推徐穉東國人倫重郭林駒谷有人如白
玉燕臺爲爾築黃金

臨軒若問年來事莫負家傳濟世心

徐之凱

字若谷西安人順治戊戌進士官桂陽知縣康熙己未薦舉博學鴻詞

北征將發咏懷

弱冠意氣深承明通籍早自懷四方志豈意萬里道波泊洞
庭雲船宿沅湘草黔山動崔巍濱海傷懷抱焚爨與我羣癯
癯令人老三年重北征炎天赤日杲惆悵望故山夕陽波浩
浩

春思和浴咸弟原韻

長安游冶及芳春綺陌尋芳信此身酒暖杏花停轡處日斜
楊柳倚樓人簾櫳爭看朱門舊車笠難期白首新落魄止餘
孤劍在月明星斗望延津

立春和淡人叔祖韻

曾親金馬十年身一綬還經五嶺春世上蚨錢看愈重眼前
鼠璞辨誰真乍窺風日將舒柳漸覺江湖欲老人景物不知
搖落意東郊仙仗已從新

廬陽官舍早春作

簾前芳草綠平洲小檻花籠日影浮野筍春來嘗一掬山蘭
雨後見雙頭游絲欲去偏縈樹乳燕初飛只傍樓盡日風塵
還自遣庭除彷彿玉壺幽

白水歌

謀國尙正兵尙奇計成走險自犀利將軍跋馬千山空棘門
壩上皆兒戲互寒已盡東風來演地幕上無生氣一聲鼓角
驚馮夷百尺洶濤若平地陰平武都萬壑中奔湍濺瀑含悲
風此江上出鯽魚口東下直與嘉陵通當年飛渡一何雄橫
江轉戰如捲蓬戰罷居人解鈴索將軍舫上小旗紅

扇鐵溝

石上崇祠儼畫容雙江夾石匯奔淙馮夷擊鼓天爲震伯禹
流星穴可逢醺醺厄陳飛白鶴毳毳絃動起蒼龍坐間已見
江湍去更恐驚濤上碧峯

此江東與石泉江匯志云禹生于石泉今有禹穴土人云此神爲龍

賦頌
靈異

什邡別陳餐石汶川大令攝縣

壯士行何畏卮酒安足辭君爲前溪舞我歌古別離青燈照

雄劍霞杲逼鬚眉歌闕天門開去當及此時昨我曲山道九
折盤崎嶇道旁窟猛虎羣鹿走如馳四顧土黝黑膏腴易闢
治蓬蒿何鬱鬱百里無編籬耕鑿定爲累長吏宜見思錦官
有冠蓋意氣盈春卮下邑切陳愬十牘不一窺疑疑紱綬客
提掇如嬰兒甌塵卽至慄慎勿置一詞昔我在羈絆輦蹙心
已疲掬澗洗顏色下視皆糟醅終足窮愁吏安能事委蛇古
人有貧賤去去從芳規促觴願受醉模糊出路岐君今尙留
滯風波慎所持

元日

一庭輕靄上朝曦細數年華自校論轉眼更逢新甲子食貧
長盼好兒孫當時軒蓋渾如夢隔歲催科不自存稍喜籬邊
春信近梅花消息動芳樽

兩浙輜軒錄卷六

卷六

吳

董道權字秦雄一字與子號岳堂鄞人著岳堂炳燭墨備諸集

甬上三補舊詩小傳先生為前明農部次公先生之

嗣性至孝長於詩古文而詩名尤噪鼎革後農部公歸

隱柴桑家業中落臥病三年極貧窶中藥餌無缺太夫

人年踰八旬負米出遊時欲歸省未嘗越淮以北而海

內名宿屈指甬上能詩者無不首推先生焉既以詩名

尤以孝著於其沒也同人私謚為貞孝先生鄭禹梅先

生傳黃梨洲墓

先生誌其墓

南雷文約與子之詩排比妥帖不尚險怪以之寫情固

多漫展以之答贈亦復豐饒酒量不多而好飲廣筵密

生投壺雅歌醉醒並諧騷雅競狎極詩人之致

好交方外秦雄詩工于言情

別裁小傳秦雄詩工于言情

層出不窮有長袖善舞之態

袁鈞曰董道權為前明戶部主事守諭子工詩為李鄴

嗣所推後從黃宗義學名曰盛父當與無虛日道權竭

然四力治不令父知也母陳生長華族不耐寒苦道權竭

力奉甘旨不異常時

客遊久之不遇以卒而孝終身奉母不遠遊世稱貞孝

南野堂筆記道權貧而工詩愛客有句云稷當豐歲思

先生者其門人私謚也

先業窮到奇時賣
父書令人傷心

寄懷葉九來

士貧苦識淺失計事奔走嘔笑爲人工面目非吾有七尺本
望戟一屈等培塿憶昔滯吳中再見垂新柳鹿城偶經過不
意爾連久自把菊前傷及醉梅間酒羈旅識交情躊躇感君
厚歲月易蹉跎十年若反手昨非已浪遊今是亦株守束帶
耕墓田原平不易耦風樹觸吾懷一夕成皓首尺書慰棘人
寸心佩良友報以加餐飯爲余努力否

君昔遊皇州寄我憶鶴詩簪纓非宿好邱壑有餘思胡爲學
紫燕守此畫棟泥胡爲學錦鯉戀彼芳園池拂衣謝貴遊荷
鍤還故畦雙鶴幸無恙茸毛生尙遲賣字營鶴糧掃石與鶴
棲臨流展素翎未覺綺繡奇入夜發清唳乃令絲竹卑藉以

娛高堂何如庾家兒亦聞潘母與有此雙鶴隨使君佩圭組
此樂何能爲扁舟過春風期我梅花時梅花吾舊識夙昔醉
於斯未見雙白鶴連宵夢見之

贈金陵謝客巖

玉峯歲盡風雪時客邸剝啄來袁絲

其重

入門長揖出畫卷乞

於卷後題新詩卷首櫺紅萱草翠袁生負母巡花際是誰畫
史解傳神寫出貧兒能養志小篆牙章記姓名客巖家住石
頭城對北尺幅雜卉活令余斗室春風生姓名到眼沉吟久
相逢憶在西湖口湖口萍蓬各惘然江東雲樹君知否今春
一榻借東田余客梁谿寓精舍山東田書屋時客巖亦移家於此故人茗椀集燈前我
困彈鋏輕千里君自移家爲二泉君謂移家如泛宅終歲吾
廬無煖席相將又作浙西行能事徒供人促迫我聞此言三

歎息曹霸曾遭俗眼白鑿井耕田旣不能學書賣畫原非策
樓護唇舌辨卽榮馬卿辭賦工何益似我出門當秋初桃李
落盡畱三吳高堂有母不得養羨煞花前負母圖日來泉酒
正新熟囊底爲君畱青蚨東家壚頭滿眼沽相與行酒呼梟
盧乘興可肯拂東絹爲我一寫芒屨負米行江湖

天台館中補壽萬充宗四十

萬子行年四十五心藏經學如秘府四傳三禮有成書考辨
是非功獨苦以我釋經經失傳以經釋經經復古每將此語
語吾儕人人解願待揮塵飢走他鄉墾硯田十載錢唐渡風
雨臘鼓聲中返里門燈樓影裏辭環堵止及椒盤話親戚難
逢社酒爲賓主束裝無婦理衣裳行李有兒共提舉有兒亦
是五經笥髫年便薄童烏字後輩已非簡札才先生可謝功

名事功名今日竟徒然何似先生得高寄五官並用不知勞
口授生徒手筆記質疑勤致友人牋通名嬾寫懷間刺盡刊
著作定有期一畢婚姻無餘累得錢時救故交貧收書悉散
諸生贄賜宅今爲牧馬區墓田改作藏書地銅符鐵券好家
門六詩三筆賢昆季父執何煩歎敝裾鄉人久已誇同被數
世論交我最厚我亦飢驅事奔走聯屐稀聽故苑鶯披襟長
對西湖柳湖上逢君四十時輕舸邀醉侯芭酒索我題詩記
歲月別爾擔囊覓壟白空把卮詞贈路人慚無好句酬良友
飄泊仍持一劍歸蹉跎遂越五年久今歲山城就館穀歡溪
察嶺尋遺躅三秋思友日千迴連月接君書幾束前言餐飯
力須加後問詩篇諾何宿水遠難招乘興舟月明偏照懷人
屋霜風瑟瑟吹楓枝荒齋門傍南山陲南山楓葉紅無數研

殊似爾筆淋漓寄語與爾償宿負見詩知我長相思相思相
思祝難老經生自古多龐眉申公入朝踰八十伏勝轅固皆
期頤長安安車人不發縱有黃髮無聞知爲國有時重儒術
養生坐待徵經師我欲從君學炳燭垂老願得相追隨他日
俟君百五歲更當補作百歲詩

武林客舍示符兒東歸

風雨來言別津梁最念渠莫沽行處酒早寄到家書世路難
聲裏江城鶴唳餘幡然從所好吾亦返吾廬

嗟余猶客路須爾在家庭細煮慈親藥勤教幼弟經秋來祈
穀賤霜落望蔬青八口縈懷抱顛毛看已星

不盡思家淚還憐汝母劬箱奩無故物井臼累孱軀坐食兒
曹長遠時夫婿迂尋常蠶粥味羞澀奉衰姑

善病憐吾女添愁累阿翁自須停壓線未可坐當風飄泊憑
藜杖稽遲寄藥籠默然因汝去夢與渡江東

不謂烽烟急還修棘院高卷書安我拙簪筆讓人豪臥敢方
諸葛吟將託二桃故人如問及湖上有輕舸

甲寅歲除

馬糞牛泥塞敝廬十年身似甕中居穫當豐歲思先業窮到
奇時賣父書一劍悔彈前日缺數莖還嚼故園蔬春盤未具
何須說恨少冰江奉母魚

早語家人慢掩扉昏鴉接翅與同歸稚兒已試新裁履嬌女
還詢舊質衣洗淨壺觴沾臘酒灑除門巷待春暉枯梅亦傍
窮簷發莫笑從前生意微

誰似歸來閣上客

爲錢庵

得局雙戶坐聞香蓮花漏裏椒花頌

貝葉函邊柏葉觴。耆舊高懷投白社。婚姻佳話續烏羊。籃輿
特遣吾兒侍胡餅。風流未敢方。

風雅鄞州未盡傳。藉君十載索遺編。謂李杲堂時通謹嚴品

定鉛刀。裏辛苦書成藥裏邊。但許我酬藥。懶句無多客放漢。

陰船樓頭照歲高。燒燭又草先賢傳幾篇。

郊居樂事談東村。謂邱氏領袖風流古樹尊。三徑客來呼伯

雅。一門星聚數諸昆。嚴寒衣褐煩相念。積雨舟車失過存。懷

抱尺書書不盡。約挑春菜話黃昏。

泛然朋輩似流萍。老友相依尙典型。謂高廢翁官兩屐往來

陪二阮。一年踪跡半雙青。悟雷齋名舊爐添炭茶聲沸。新紙糊燈

佛火熒。若許匡牀同守歲。今宵魚鼓倍堪聽。

雪中答李杲堂

鄆陵孝廉重然諾約我今秋醉桑落先人有友官并州我欲
從之客雁邱高堂有母缺甘旨負米何辭數千里杲堂李子
憂我閉門飢欲死告以遠行爲色喜酌我黃金罍贈我青銅
錢低徊不忍別此別須經年袖君之錢醉君酒城東城北頻
回首歸來兒女候柴門笑指瓶中不盈斗牽衣問我欲何之
今年豐熟仍苦飢爺未出門其爺語爺旣出門啼向誰示兒
袖中錢故人佐行李移以易米薪且以救妻子量米數薪堪
作數日食買舟無資行不得他日仍登李子堂李子爲我歌
蒼涼曳履依然守蓬華得酒且與傾壺觴昨夜雪花如掌大
草閣嚴寒只僵臥午餘日色照西窗起把君詩讀幾過窗前
冰雪消幾時惟有故人顏色長相思

毛遠公

字季連一字驥驎蒲山人奇齡
從子康熙丁巳舉人著菽晚集

吳農祥菴集序略曰吾友毛大可公有從子曰季蓮余
與大可可隱晦京師季蓮以孝廉上公車相與論吾浙之
才大不可必指曰若季蓮則吾家才子也季蓮出其詩賦
每讀一篇未嘗不擊節余謂大可若家阿威正復不減
將不使卿獨行也季蓮少孤西湖諸賦新穎動人詩
最緊嚴有神骨亦時仿太白長吉各有超然之詣
毛際可菴集略曰季蓮詩自漢魏六朝初盛無不探
其菁英泉湧雲集降至長吉義山亦往往取裁焉而其
淵雋之致浮動楮墨此固得之於天而
神明於才法之際卓然自成一家言

全家塢口號

僻徑無人到幽巖小徑斜微風生蔓艸細粉落松花伐竹通
新溜迴泉漾淺沙道林山下路一半夕陽遮

螺山

青螺山下一溪斜白芷紅蘭兩岸花遮地龍珠開佛域隔離
魚罩近人家江門夜落千村月石洞晨飛半壁霞誰道武陵
歸路杳春風處處遍胡麻

兩浙輟軒錄

卷六

毛遠公

五

過閩山

絕巘緣雲起盤蹊疊石排山寒春不到林白雨飛來墜葉沾
衣溼孤燈荒店開勞人慰饑渴下馬急銜杯

閩安城上觀兵弔韓總戎

海氣蒸邊徼遊人唱大風孤城百戰後落日萬山中祭蘇魚
龍避觀潮島嶼空淮陰千古業誰道將軍功

沈名孫

字嗣芳一字嗣房錢唐人

朱彭曰嗣房有蛾術堂文集十卷青燈竹屋詩三卷退
翁詩一卷筆錄十卷史稿八卷總錄一卷冰晴集四卷
其門人趙昱先校刻其詩八卷總錄一卷冰晴集四卷
自序其詩曰嗣房起孤生績學能文弱冠有聲場屋既
而家貧親老奔走四方以館俸致養年踰強仕始舉京
兆秋試五上春官不第去作選人久之得長沙攸縣令
時以年老見斥設子京師香廟筆記載其在葛嶺讀書
也子嘉徽能仙子唱和一寺甚詳嗣房亦漁洋之門人
以詩世其家

查懷衍先爽集序畧曰礪房起孤生積學能文年踰壯
仕始舉京兆秋試五上春官不第去作選人久之得長
沙攸縣合隨以年老見斥歿於京師孤子嘉轍輯錄手
澤凡八種以卷計者五十餘門人仁和尚趙昱先校刻其
詩集八卷乞序於予予與礪房交垂四十年風塵南北
聚散不常唱酬絕少然每見君詩輒流連反復不忍釋
屈指二十年來出處升沈西冷游好漸次淪落嘆
同調之無存慮頽年之衰暮不獨悲君行自傷已
齒髮其爽集序畧曰礪房先生梵夾集詩八卷前五卷
先生辛卯南歸時手授較錄者後三卷則先生歿後出
自副君嘉轍所藏因細加較閱付之梓人其蛾術堂文
集十卷青燈竹屋詩三卷退翁詩一卷筆錄十卷史齋
六卷備錄一卷冰脂集四卷將次第甄綜以俟他日

鍾聖與招遊大明湖次文益韻

簇簇峯頭矗短簪瀾瀾水面染深藍此間大似西湖上柳浪

亭邊花港南

韓家屋後竹風涼可惜臨湖少一廊若起玲瓏朱閣子也無

妨築粉青牆文益有不安窗子只安牆之句故云

北廟獐獐兩列開我聞唐塑歎千回青蓮學士浣花老歷下
遊時應見來

北極臺二鬼傳是唐塑光色如古銅精絕

新城夫子自秦蜀歸招同徐子文查德尹藝節孫鏡亮
工鍾聖與邸齋小集分得天字

三年下第去萬里奉使還師弟得合并歡洽情自然况復諸
名雋促坐同一筵盈樽酒清旨堆案肴甘鮮兩條寒燭光結
懣紅綻圓各就所聞見恣談相後先東西盡洛蜀南北環越
燕典實備掌故荒唐徵神編廣及草木譜細入蟲魚箋燭深
火再架鼓響更乍傳言笑不知夜揭帷星滿天

丙戌榜前夢羅昭諫見過

自此遂絕意春官

鶴袍烏幘一先生刺寫江東給事名八百年來成把臂可能
還訪舊雲英

昭諫有贈舊妓雲英詩我未成名君未嫁可憐俱是不如人

題畫冊

蓬開獵獵風，脚舵曳瀾瀾。痕杜宇飛邊，蜀道哀猿啼處，荆
門遠紅夕照千峰，望濃綠垂楊幾村已，到落帆亭下客心還怕
黃昏。

玉山道中

筍輿肩上漫匆匆，啞山到深時鳥不譙。野店疎籬臨路出，小溪
清涵過橋斜。一林紅變楓香樹數畝白開蕎麥花，總是觸人
惆悵事。歸家纔得又離家。

龍眠道中

草根澱水冷堪聽，石骨沿溪到處青。老樹四圍山四面，中間
恰稱小茅亭。

送何秀才南歸

三敗聲塵歎寂寥一時萬念總都消只憑君問桃花信紅到
西泠第幾橋

吳任臣

字志伊仁和人諸生康熙戊午
舉鴻學鴻詞授翰林院檢討

洪氏園

園在西溪明洪尚書鐘別業今已易主惟小邱尚存
秋憲當年賦遂初權籬茅屋樹枝疎一溪香雪長攜屐滿院
蘿陰正讀書乍可山如人影澹無妨月照夜臺虛荒烟此日
迷花塢十笏模糊指舊廬

孫士寅

字義賓號書城錢塘人康熙乙卯舉人官
雲南平彝縣知縣行取主事著寸心集

送張相閣致政歸桐城

才高懋經濟全重遠人間拜手辭黃閣翻身入白雲養生親
藥圃息煢狎鷗羣多少匡時策歸來草盡焚

金紫不隨身，翛然物外人。平章好風月，剪拂舊松筠。有米供
高衲，無書答近臣。想公歸臥日，絕似葛天民。

塞上懷古

莽莽雄關碣石開，薊門南望鬱崔嵬。山連雁塞千重合，水接
龍沙萬里來。苜蓿草肥朝牧馬，葡萄酒熟夜傳杯。平時斥堠
無烽火，一片秋聲畫角哀。

霜染寒林滿塞紅，女牆日落戍樓空。射雕客去陰山北，飲馬
人歸遼水東。帳裏琵琶青海月，軍中虜粟紫臺風。沙場夜夜
邊聲起，誰識當年百戰功。

金鏃雕弓白鼻騮，千羣毳帳列平沙。雪中無復蘇卿節，月下
爭傳蔡女笳。白雁城高愁出塞，黃花成遠夢還家。書生亦有
封侯願，獨向青天拂劒花。

黃沙漠漠水潺潺壯士弓刀明月環雲斷李陵攜手路苔封
班固勒銘山紅顏有恨空遺塚白首何人早入關立馬西風
一長望秋霜點得鬢毛斑

題梁西浦舍人憶內詩卷後

玉河柳色晚蓼蓼幾度尋芳興未酣忽遇鳳凰池上客海棠
花底憶江南

與薩坦公話舊淒然有作

憶別梁園已十霜每懷知己淚霜裊秋風吹散三千客猶有
繡枚哭孝王

沈

謙

字去矜仁和人
著東江草堂集

毛先舒序畧曰東江沈謙去矜與予年相若當卯辰間
兩人俱弱冠予時臥病清平山中去矜家臨平湖幾
臨平盜特起縱火焚畧比屋之廬蕩然今去矜且修復
故廬讀書養魚兼通靈素之術自活比歲事勘定與去

矜歟往還今去矜東

江集鈔成要子序之

朱竹垞云云去矜少熟溫李後乃循漢魏之規矩

得初盛之風致其意貞而下濫其聲和而不流

今世說沈謙少穎慧六歲能辨四聲益長篤學尤好爲
詩古文嘗自言著作須手定自刻庶能垂遠若以俟之
子孫恐故紙卽不當二分直也

重遊海寧縣安國寺

重過安國寺一望意蕭森海白孤城雨松青古殿陰霜鐘驚
落木香積下飢禽回首十年事悲哉祇樹林

泊禦兒

候火悲遊客商船卽比隣柳深孤驛雨燕入小城春白髮無
新句青衫是舊人夜來重此泊沙月對沾巾

過霏玉軒弔徐襲祥別駕

晴雪紅桃開小園總帷雙燭淚潏潏飄零此日都誰在憔悴

如君詎忍言禪寂雨花懷淨土書成罪玉但空軒門前寶鼎
今無色腸斷平湖白鳥翻

湖邊女兒曲

湖邊女兒不解愁學梳鬆鬢黑如油垂楊自是多情物一過
春風便白頭

沈蘭先

錢唐人著
粵遊草

懷際叔

我居城北墅之子城東隅結交亦有素姻誼存葭莩出門近
三載來往稀音書居者念轉蓬遊子嗟僕痛豈無葵與藿俯
仰成荷鋤安得百斛酒賓載手自斟嘯歌達窮巷千載靡所
如

李式玉

字東琪錢唐
人著巴餘集

觀流序啓
今又十年所著述目益多良然成十年余既爲序
之以行今又十年所著述目益多良然成十年余既爲序
名之曰巴餘以其遭焚廬之餘若樂巴嘆酒之所存既
又名爲三都則又以類年出遊不忘湯壁流連之地也
李子遭祝融之變廬居儲儲一且而盡赤身將妻從
烈焰中出家人三十口居無所棲食無所獲啼號許語
不安于厥家于是奔走南北遠而之長安
畱滯幾一年終以無所遇合垂橐而歸
謁倪文正公祠
今辛亥冬始營葬事

國破身難惜時危事已非君臣同患難朝野有光輝月落一
燈暗風生匹馬歸城西才藥葬行路各沾衣

十二月初八夜真州江上望月

驅馳南北阻關河客子經時鬢欲皤歲暮洲邊征棹少月明
江上亂山多孤燈獨對寒潮急永夜遙聞旅雁過此去廣陵
春信近十三橋畔起笙歌

長安街上見賣桃花者

滿堤紅樹幾人家隔水垂楊映彩霞看得江南春太賤那知燕市賣桃花

沈用濟

字方舟錢唐監生著荆花集

丁澎序畧曰荆花集者沈子方舟與弟派原合刻其詩以名之也方舟派原年少刻厲工為詩以兄弟相資益方舟持格極嚴而饒有思致派原氣逸體裕進止合度固是風人正則其登峯造極之詣曷可量哉林璐序畧曰方舟嘗受琴於母氏提攜幼弟翩翩三風色養承歡閒居弄琴一彈再鼓之餘起而再讀已訶常不以僕言為河漢矣

榕城詩話張泰議廷校三韓人錢塘詩人沈方舟用濟少時刻荆花集毛馳黃陸拒石兩處士賞重之晚益適上貧老無子依參議終身遺稿數千篇託參議收葬子曾勸參議招其尤者刊之竟亦未果

王百朋洗馬圖

我昨湖頭觀洗馬一馬毛骨與眾殊愛彼神駿不易得阿誰寫入王君圖王君好馬如好色朝為摩娑暮拂拭翻愁喂養

太癡肥欲赴英雄無氣力看君抱膝依古松身如玉山氣如
虹奇姿學甘老伏櫪絕足直欲追飛龍回頭顧命二小童絡
頭牽出長林中一泓溪水白如練片片洗出桃花紅四明魏
子良近來工寫照我欲倣此圖畫出追風驃自憐驚劣久沉
淪奔走關山手足皴願策圖中千里駿同君西去掃烟塵

臨平道中

灘勢奔騰下舟行次第高灘流爭一石人力盡千篙壁峭奔
雷雨林深聚羽毛江鄉歸未得夢寐亦風濤

望西岳

五千仞削勢崔巍西鎮坤維玉作臺海日夜從金掌出蓮花
春向石盆開宮臨白帝三峯立城遠黃河九折來欲跨茅龍
胸酒母芝田堪種之仙才

酒母酒家姬也仙人子先與之騎龍上華山亦成仙呼爲酒母見列

傳

沈遡洞

字源錢唐
人用濟弟

贈兄方舟

我母夢奇花艷艷吐彩筆孟春之月生我兄香風迴繞芝蘭
室長眉大眼真男子堂上二親心歡喜十三作賦氣凌雲十
五吟詩思不羣年少蓬門甘守獨壯志窮途不用哭銀河可
吸月可吞醉來欲抱蟾蜍宿庸流不識沈方舟嶽嶽歷落毋
與儔敝衣破冠何所求終年不喜亦不憂美君錦囊多佳句
揮灑風雲與月露良賈深藏外若虛旁人按劍還相妬

章曰躋

字式九號曰湖錢
唐人苦叙倫堂詩

周容序畧曰式九好客善遊其遊歷齊魯吳越
所交莫非其地勝饒而勝流之抵湖上者又莫不願親
式九坐恒滿月夕雨後作詩名酒扁舟結侶涉旬忘返
曰湖光無刻不變故欲以閒靜求之其爲詩清而遠肆

而能飾僕贈句有曰每有奸花遲遠客常
因微雨入西湖友人無不謂善狀式九者

春日紀遊

春風遠閣當梅發載酒高歌日日遊
泊柳喜看魚聚市問花
剛見燕過樓笑歌隨處迎村女冠履無塵識野鷗扶醉不妨
明月上山屏猶有故人留

避暑湖心寺和張松書韻并寄九一次寅青臣諸同遊
雨後青山山外亭平湖停暑夕烟輕雲移北渚樓臺淨月到
南屏草樹明遂有老僧宵曳杖何妨年少夜吹笙幽懷願與
伊人共佇看蒼葭白露生

茅兆儒字子鴻一字雪鴻錢唐人明少宰瓚曾孫著東籬詩鈔

秋山客序畧曰子鴻茅子近武林間能詩者甲午之歲
泛棹淮濱求汝南先賢之迹與余共晨夕者久之余因
得盡讀子鴻詩而悉其平生著作暨諸所能但其為人
懶不似余乃更北謁太昊陵觀先聖厄臺驅馬渡黃河

兼覽太行蘇門百泉淇水之勝所見既益多所作詩益壯歸來出其新篇示余余乃仍爲點定合其全詩序之

送別

揮手在今日銜盃知幾時愴然難自語聊復贈君詩潭水桃花淺陽關柳色遲無情帆影斷極日向天涯

濮山荅友

願君惟自力莫問僕如何荒邸詩文少高樓風雨多路遙驚短夢思永寄長歌霜葉蓮峯下秋深或共過

過平望

罵腹東西路蒼禾自此分遠村浮岸草春水漲湖雲客興憑孤棹歸心倚夕曛蘇臺尚未得啼鳥不堪聞

不寐

自憐薄醉轉傷神孤館昏黃不寐身窗外棲鳥猶匝樹燈前

飢鼠早窺人和愁傾倒常終夜與夢悲歡又一春山拆漸疎
江月上笑聽嚙語發東隣

風篁嶺訪樹羅上人

結茅得遂是何年每到茲山卽惘然臨澗花開春在水邊窗
雨過竹生烟蓬心入道非無謂華髮超塵自有緣歎息人間
能幾少林中泉上月明邊

戴

梓字文開
仁和人

清詩別裁文開佐康親王平三逆有功王假以監軍道
職後因能詩

聖祖

命直南書房後徙瀋陽詩
挺勁有力謫戍後尤佳

烽臺晚眺

獨立俯荒邱清笳殷戍樓萬山環塞險一海抱天流白骨何
年戰黃雲終古愁憑高無限感霜月滿征裘

吳學濂

字曦洲休寧人仁和諸生著香雪堂集

楊椒山公祠

祠宇重新古驛旁姓名猶覺滿城香五姦已磔權臣魄一疏堪爭烈日光謝却蜚蜚地真有膽撐將鐵骨不隨楊階前請鑄分宜像斫地行人共激昂滿城香不隨楊皆椒山朝審詩中字也宋用岳墓鑄秦檜像事

孫

洽

字出合錢塘人治弟

送吳豹蔚歸里

莫言故里日荒涼老父貧居臥艸堂一片愁心何處寄還隨匹馬到錢塘

徐

鄴

字華徵錢塘人

關鍵靜好集序畧曰徐子華徵為余友偃亭介嗣偃亭既以詩歌古文友教天下其門內授受益為精妙諸子俱清材卓犖各自名家華徵為詩大約登涉所經輒形感寄多牛欄之遊草而正君毛媛天才俊慧謾謾具林

下風操作餘聞與華微陶詠和弦
研寫花月斯亦唱隨稱謂事已

婦翁毛稚黃先生齋中聽歌

樂令多高致閒齋喜晚晴彩雲飛不去忽爾度新聲酒氣乘
春暖花香著露清絳紗搖絳蠟不厭坐天明

盧

璉字獻華號質存錢唐

碧溪詩話盧質存少孤事母孝博學與毛西河友康熙
上子貢成均授縣訓導丁巳擢湖廣甯知縣為政
清廉後以事解任客居教授七年卒于客塾有手錄詩
稿四卷弟琦官內閣學士居東城此驗所前皆吾里之
耆宿也丙申中春從陳百藥
處借詩一冊皆罷官後作

春雨

客心逐雨緒不斷雨如絲披戶朝烟滿窺窗曙色遲水肥添
鳴喜巢冷笑鳩癡回憶聯牀夜挑燈共聽時

苦雨

兩折齋肝錄

卷六

卷六 徐鄴盧璉

弄

山城二月見蘭芽
淡蕩東風柳影斜
燕識衝寒來補
蟲蝶知
冒雨獨尋花
孤燈穗燼紅無暈
四壁苔生碧欲遮
早濕更兼
鄉思遠那堪
數載滯長沙

大兒旋里

相見天南乍展眉
片帆又掛楚江湄
淒涼尊酒孤燈夜
嗚咽
顏顏低囑時
日後那知重作伴
年衰何處傍生兒
羈魂已逐
行舟遠覺後猶疑
雨不離

僕乞歸

水上浮鷗驚各飛
天涯猶幸獨相依
三年矢志同艱苦
一夕
興懷乞暫歸
相見妻孥爾有日
聚怡骨肉我空祈
從今惟剩
孤燈伴舉目誰爲問
飽饑

宋鼎銓

字士衡號梅谿仁布拔貢生
官景寧教諭著涵齋集

空翠堂懷古

終南接漢水千頃碧琉璃拾翠人何在空亭鳥欲栖錦帆歌
管寂紫閣晚雲低工部詩偏好應隨杜宇啼

耶

字次山抗邵歲貢
生著堂策鑑遺詩

吳穎芳曰邱氏數世鐘業詩書所繼鐫古籍海內傳之
家有韻圖並閣諸勝既廢于冰先生保其舊寶字居以
居守殘葺缺得與先哲者舊
遊應潛齋徐孝先嘗許可焉

探茶歌

山中男女皆苦辛男兒負鉏女負薪茗園雨過一旗發紛紛
健婦升嶙峋羅裙縹緲凌險絕白石磊磊泉聲咽陰厓露垂
碧玉枝高春日射黃金屑摘茶不讓烏嘴香何必龍團貢上
方美人睡起一甌熟那解春風手爪忙

桔槔歌呈朱中丞

弱折曾開渠

卷六

宋鼎銓即潘柯云

李

瀑布倒捲青苗中白晝括括清夜同車輪展轉哀湍瀉人力
能參造化功古人製器奪天巧呼吸直侵河伯宮漢陰丈人
惡機事一身不恤蒼生窮貴人京堂坐湘簟微綃彷彿烟霧
空玉碗冰漿解煩熱猶瞻天末思涼風豈知揮汗蹋機軸婦
子辛苦何匆匆桔槔之歌試多士精神久與民隱通撫循赤
子俾安堵應知澤畔無哀鴻

柯元幹

字貞華杭郡諸生

送潘元嘉之遼陽

一葉孤舟萬里身天涯何處息勞人丈夫縱不謀衣食男子
豈甘長賤貧暑雨途中還自慎鵲鵲原上好相親龍江柳塞
功名路看爾歸來氣象新

兩浙輜軒錄卷六